

# ლუღო ტიპოლოგია





www.foxwell.com

ლადო თევდორაძის  
სამყარო  
კობა ჭუმბურიძისგან  
ღეჟსად  
ნათარგმანები





ნინო გუგეშაშვილი

## მიმოვდიოდი, ვით ტილოს ქმნიდა

*მიმოვდიოდი, ვით ტილოს ქმნიდა  
და არ ვიცოდი, რა უნდა მექნა,  
იმ სამყაროში შეპარვა მსურდა,  
ლადომ რომ შექმნა.  
რადგან ვიგრძენი, თავისთან მიხმომ,  
ვინც უკვე იყო იქ შეპარული  
და აღარ აკლდა სიკეთე, სითბო  
და სიყვარული.*

კობა ჭუმბურიძე

რა უნდა დავწერო უფრო მეტყველი, რით შევავსო ან როგორღა გავაფერადო ამ ორი ხელხვაკიანი და ბარაქიანი ხელოვანის შემოქმედებითი გალერეა?

ლადო თევდორაძე ფერწერის მოყვარულებისთვის არა მხოლოდ ცნობილი, არამედ გამორჩეულად საყვარელი, თბილი და გულში ჩახატული მხატვარია. მისი ტილოები იფინება და დაცულია როგორც საქართველოს, ისე უცხოეთის მრავალი ქვეყნის კერძო თუ სამუზეუმო სივრცეებში. მისი სტილი და პალიტრა პირველი ნახვისთანავე გიზიდავს და გამახსოვრებს თავს თავისი სიკეთით, მშობლიურობით და ფერთა სიხასხასით.

კობა ჭუმბურიძე - ფართო სპექტრის ლიტერატორი - პოეტი, მთარგმნელი, საბავშვო ლექსებისა და ზღაპრების ავტორი, ქართული საბრძოლო ხელოვნების მკვლევარი და მესვეური. მის შემოქმედებას, ისევე, როგორც ლადო თევდორაძისას, ვერ დაიტევს წიგნის წინათქმა.

მხოლოდ ის შემიძლია, როგორც რეალურ დროში თვითმხილველმა, გიამბოთ, როგორ იბადებოდა ეს წიგნი: 2020 წლის 26 თებერვალს კობა ჭუმბურიძემ სოციალურ ქსელში გამოაქვეყნა ლექსი - „მრავალი მრავალწერტილი...“ მინაწერით - „თარგმანი ლადო თევდორაძის ნახატიდან“.

175 ენიდან 4 600 ლექსის მთარგმნელს, ჩანს, ენები ეცოტავა და ნახატების თარგმნაზე გადავიდა-მეთქი, გავიფიქრე. ისე მშობლიურად, ისე თავისიანად შემოეხვია ლექსი ტილოს, თუ თვითონ გაეხვია ტილოში, იმ ნაგვიანევად გამხელილი სიყვარულის ამბავში, უბრალო, კეთილი ადამიანების ალალ სახეებსა და ფანჯრიდან მომზირალი კატის სილუეტში, ლადოსეულ იუმორს და ხალხურობას ისე შემოექარგა ასევე იუმორით და დიალექტით შეზავებული ლექსი, იფიქრებდი, რომ ეს ორი სახე ერთი ამბისა ერთად დაიბადა, ტყუპად.

ამ „ტყუპის“ გამოქვეყნებას მოჰყვა როგორც ფერწერის, ისე ლიტერატურის მოყვარულთა ცოცხალი გამოხმაურება და იქვე გაჩნდა იდეა და თხოვნა ორი ავტორისადმი, რომ შექმნილიყო ერთობლივი ალბომი. თხოვნას ბატონი ლადოც მზადყოფნით გამოეხმაურა და კობა ჭუმბურიძეც მისთვის დამახასიათებელი სისწრაფით შეუდგა ტილოების თარგმნას.



სალონკაშვიანი  
ტილო, ზეთი  
50 x 60 სმ

ამ ალბომის თითოეული ახალი წყვილის გამოქვეყნებას უამრავი მომლოდინე და შემფასებელი ჰყავდა. თვითონ კობას ერთ სტრიქონს მოვიშველიებ, „როგორც ალუბლის წყვილი კუნწულზე“, ისე ბუნებრივად დაწყვილდა ეს ორი ავტორი, ორი კეთილი შემოქმედი, ორივე თბილი და ძალიან ქართული იუმორით, აზრის თამაშით თუ მელანქოლიით. თითქოს მეგობრული მასლაათით მიუყვებიან ისინი გულბისკენ სავალ გზას. და ადამიანებიც მონაწილეობენ ამ მრავალსახოვან მისტიკურ თამაშში. ზოგი ლექსადაც ეხმიანება: „აქა იხილეთ, მხილველნო, საუკეთესო დუეტი: კობა - მხატვარი ლექსებით, ლადო - ფუნჯებით პოეტი“ (მანანა ყავლაშვილი); ზოგი თავის ბებიას ცნობს ამ ალბომში, ზოგი - თავის ბავშვობას, ზოგიც - სოხუმისკენ მიმავალ გზაზე დატოვებულ ბარგს...

რადგან წიგნის შექმნის ამბავს ვყვები და იმერული დიალექტიც ვახსენე, შეუძლებელია გვერდი ავუაროთ ქუთაისის პედაგოგიური ინსტიტუტის (ამჟამად აკაკი წერეთლის სახელმწიფო უნივერსიტეტი) მეცნიერ-თანამშრომლის ლეილა უკლებას ღვაწლს, მის მიერ გაწეული შრომის წილს ამ წიგნში. ქალბატონი ლეილა წლების განმავლობაში აგროვებდა იმერული კილოსათვის დამახასიათებელ ნიმუშებს. სხვა სამეცნიერო ნაშრომებზე მუშაობის პარალელურად, მან შეკრიბა „იმერული დიალექტის სალექსიკონო მასალა“, რომელიც, სამწუხაროდ, მხოლოდ მისი გარდაცვალების შემდეგ გამოიცა.

ეს მასალა ათი წლის წინ ძალიან საჭირო ხელში მოხვდა - კობა ჭუმბურიძესთან.

კობას ლექსებს ვინც იცნობს, დამეთანხმება, რომ იგი თვითონაც არ უჩივის სიტყვათმარჩხობას, მაგრამ როგორც ერთ ლექსში ამბობს, „ვერ ეგუება ნაცრისფერ ყოფას მოუსვენარი ბუნება კაცის“. სწორედ ასეთი მოუსვენარი ბუნება იცნო, როცა ლეილა უკლებას წიგნი გადაშალა. ლექსი, რომლითაც ის შეეხმინა უკვე გარდაცვლილი უცნობი, მაგრამ სულით ნათესავი ადამიანის შრომას და მოუსვენრობას, თითქოს წლებსა და ორ სამყაროს შორის დაშვებულ ფარდებს არღვევს:

რატრო  
კოლაქი  
50 x 40 სმ



იმერული, აბასრული, საიდან სად გამახსენე!  
შენც ჩაუდგი ამას სული, გეყურება ბოშო შენე?  
წიგნს აჩნია შენი ხელი, ამიტომაც სხვას არ ჰგავსო...  
თქმულა - სანთელ-საკმეველი თავის გზას არ დაჰკარგავსო.

სწორედ მოუსვენარ ბუნებათა თავმოყრამ და დამთხვევამ დაბადა ეს კრებული, რომელშიც ლეილა უკლებას მიერ გადარჩენილ მარგალიტებსაც შევხვდებით.


აქ ყველაფერია, აქ ლადო თევდორაძის სამყაროა, რომელსაც კობამ „ლადოს ჭრელი სიზმრები უწოდა“. აქ საქართველოა და ის სიფაქიზე, რაც სამშობლოსთან, დაბადების და აღზრდის ადგილთან სულის და გონის გადაუჭრელი ჭიპლარით გვაკავშირებს: აქ ცხოვრებაა „ერთი ქართველი კაცის, უტეხისა და პირმოცინარის“; ხარატულა აკვანში ჩაკრული ლოყაწითელი ბიჭუნაა, აკვანზე შებმული ქარვის მძივით და ჯვრით; ბებია ერთი წიწილით ხელში და დანარჩენი კრუხ-წიწილები, მის კალთაზე ასაფრთხილებლად რომ ემზადებიან; სტუმართმოყვარე იმერული დიასახლისი ერთ ხელში გრაფინით, მეორეში - ჯვარდასმული ნამზადით; ნორჩი, მოწიფული თუ ხანდაზმული სიყვარული ნიშნობის ბეჭდით თუ სარეცლით, რომელიც მზესავით თაკარაა და იმერული ქალივით კრიალა; ფარცხანაყანების სადგური ჭრელი მგზავრებით, ქოლგებით, ძაღლებით; სოფლის კლუბის ცნობისმოყვარე მაყურებელი; პატარა საყდრის მცირე მრევლი ხუცესით და საყდრის სარკმელზე შემომჯდარი მახარობელი ჩიტით; ქალაქელი ქალები ყავის ჭიქებით ან მაგიდაზე გაშლილი ლოტოთი; გრამოფონი, პიანინო, ვიოლინო, ფლეიტა, დამკვრელები დოლ-გარმონით და კლარნეტით; აღდგომა წითელი კვერცხებით, პასკებით და პატიოსანი მრევლით; მონადირეები თავიანთი თვალწყლიანი ძაღლებით და ტყისპირს გაშლილი

მონადირული სუფრით; ბაზრობები, ველ-მინდვრები, მგზავრები, მატარებლები, საკერავ მანქანასთან მოფუსფუსე ბებოები და მამიდები, ფერადი ძაფები, ნაჭრები და ნახშირის უთოები რომ მოუმარჯვებიათ და კერავენ, აკოპწიავენ ოჯახს, სახლს, მთელ ქვეყანას ქვილთის საბნებით და ფარდაგებით რთავენ. ამოუწურავია ეს ფერები, წარმოსახვათა ეს ნაკუნები, ქათმებს, ინდაურებს, ფარშევანგს და ციცარსაც კი ქვილთის ბუმბული მოსავთ. აქ ყველაფერია - უძველესიდან უახლესამდე, აქაურიდან საკაცობრიომდე.

თითქოს რაღა უნდა დაამატო ლადოსეულ ფერთა დაღადს, ამ მეტყველ თვალებს, ამ მოძრავ, გრძობებით და ხმებით სავსე ქვეყნიერებას, როგორღა უნდა აამეტყველო? და კობა გვითარგმნის, როგორც მუნჯ კინოს, ან სოფელში უცხო ენაზე მოსულ ფილმს თარგმნიდა ხოლმე ვინმე მოხალისე, რომელსაც ის ენაც კარგად ესმოდა და ინტერპრეტაციის უნარიც გაცხოველებული ჰქონდა. გვითარგმნის, რას ფიქრობს მამაძალი მურია, რას უკრავს ვიოლინო, რას ჩურჩულებენ შეყვარებულები, როგორ ჭორავენ შექსპირს და ახალ რეჟისორს პრემიერიდან ორდობით დაბრუნებული მაყურებლები... და იუმორს იუმორი ემატება, ფერს ფერი, ფიქრს სიღრმე, სათქმელს სიტყვა, რომ მურია ფიქრობს: „გოგოები მომდგებიენ, დამიწყებენ ფერდზე ხიცინს, ნეტა მალე მორჩენ, თვარა რა გოუძლებს კუდის ქიცინს“, რომ მატარებელი მარშრუტით „თბილისი-ევროპა“ „როის წაკოკილდება, ლადოს გარდა არც ვინ უწყის“ და „ამ დროს შამა კონდუქტორმა, კვაჭიჭა სხალს ქე რო ჭამდა, მემანქანეს გადაკვილა: - წაი აწი! დაგვადამდა!..“ ხოლო ლადოსეულ ქალაქურ სუფრას და პატიოსან საზოგადოებას გიტარით და ერთმანეთის მოსმენის კულტურით, კობა ასე თარგმნის: „თავისუფლება როს დასამარდა, წამოგვიხშირდა პურისჭამები, სუფრასთან, ბოლო თავშესაფართან, მხარიმხარ ჩასხდნენ ჩვენი მამები...“ ქვილთის ფერებში აჭრელებული თევზი კი მხატვარს საყვედურობს: „...მითხარ ლადო, თეზი ვარ თუ საბნის პირი.“

რომელი ერთი უნდა გამოარჩიო, ყველა კუნწულა ერთნაირად მწიფე და გამომწვევად კონწიალაა. ერთი ფუნჯით ამბობს, მეორე სიტყვით ხატავს. ლადოს ფერსავსე და მდიდრულად გამლილი ფარშევანგი კობამ ასე აალაპარაკა: „არ გეგონოთ ფარშევანგი, მე გახლავართ იმერეთი...“. მიუყვები ლექსს და ფიქრობ, რომ შესაძლოა მხატვარმაც ასე ჩაიფიქრა. კიდევაც გაიფიქრებ, რომ ეს ორი ავტორი იმერეთს განსაკუთრებულად ეფერება, სხვა ელფერის იმერეთს ხატავს, არა კაკაბაძისეულს, და უცებ კითხულობ: „ჩემ დახატვას რას უშველის ფუნჯი გინდაც კაკაბაძის...“ თითქოს სულში გიზის, ფიქრში გი-

სიურპრიზი  
ტილო, ზეთი  
100 x 90 სმ



თავუზი  
ტილო, ზეთი  
60 x 80 სმ

- ქინძმრით ხო არ იკმაზები,  
არც იჯრად ხარ განაწირი,  
ხოდა რატო იდღლაზები,  
გულამოფსკვნით რატო ტირი?  
ისე უნდა გამოგხატო,  
რო დაგედოს ფასი ძვირი,  
- რაღა რატო, მითხარ ლადო,  
თეზი ვარ თუ საბნის პირი.

ზის ორივე ერთად, მოგყვება ფიქრდაფიქრ, მიდხარ ფინალისკენ და „...ამ დროს ვხედავ ვინცხა კაცი დასახატად მითვალთვალებს. ხოდა, გევიფხორე, მარა რო არ დავრჩი საკმარისი, ცოტას ლადო წამეხმარა, ცოტას - კობა, ძმაი მისი.“

როგორც ხედავთ, ხშირად მავიწყდება, რომ მხოლოდ წიგნის შექმნის ამბავი უნდა მომეყოლა, ისე მიტაცებს ლადოს და კობას ერთობლივი არაჩვეულებრივი გამოფენა. ვეცდები აქ შევჩერდე და დანარჩენით ტკობის თავისუფლება დამთვალეიერებელს დავუტოვო. დავამატებ იმას, რომ რამდენიმე ლექს-ტილოს სასკოლო სახელმძღვანელოებში შევიტანდი როგორც დაბალი, ისე საშუალო და მაღალი კლასებისთვის.

ამჟამად მათ კოლექციაში 300-ზე მეტი ნახატი და ლექსია, თუმცა ამ ალბომმა მხოლოდ მესამედი დაიტიდა. იმედია, კოლექციის დანარჩენ სეზონებსაც ვინილავთ წიგნებად...

და თუ აქამდე მხოლოდ კობა ჭუმბურიძე მიმოდიოდა, ვით ტილოს ქურდი ლადო თევდორაძის სამყაროში, ახლა მე დავიპარები და ვათვალეიერებ ამ უნიკალურ, უპრეცედენტო ექსპოზიციას და მიხარია, რომ მალე კარი გაიღება და ყველას ექნება შესაძლებლობა, შემოვიდეს, ნახოს, „რარიგ ახლოა ახლა ზეცამდე, რომელმაც სივრცე გამოგიწოდა და გაირინდა, რადგან იცოდა, რომ შთაგონებას აიწეწავდი“, ნახოს სამყარო, სადაც ადამიანი ადამიანს შეხვდა და სადაც ადამიანი გადარჩა.

აქ ხომ ერთი უტეხი და პირმოცინარი ქვეყნის, საქართველოს ცხოვრება და მისი ჭრელი სიზმრებია.



მუსიკოსები / ტილო, ზეთი / 100 x 60 სმ



## მე და შენ

განმარტოებით, ციცენა კუნძულზე,  
პალმა, ნაპირი, თეთრი კარავი,  
როგორც ალუბლის წყვილი კუნწულზე,  
მხოლოდ მე და შენ, მეტი არავინ,  
ბჟუტია ცეცხლის ათინათები,  
თმები, ნიაკით განაწეწები,  
ტალღის შრიალის მიყურადება,  
და ვარსკვლავეთში მზერის ცეცება.  
ოცნება თვალის მოუხუჭველად,  
და უეშმაკო ლექსის მაკრამე...  
სულ ერთი კვირით, რადგან უჩვენოდ  
მალე მოიწყენს ჩვენი ნაგრამი.



## ბების

არდაბაგს მიღმა გოში და მრეში,  
მონატრებული დარის დარილი,  
ჭადის ჩაფუნჩხვა ქაფიან რძეში,  
ცოტა პიტნა და ცოტა მარილი.  
ქსელის რადიო, თვლემა და ქსოვა,  
კვამლი, ჩინჩხლები, კეცი, ქოთანი,  
ამასობაში წერილიც მოვა,  
ავდარშიც იცის ჟუტუმ მოტანა.







## ცაში ბიჭო, გიორგუნა

დათუნია სხირტლადეს

ჰერი ბიჭო, გიორგუნა, მომხედე და გამიგონე, არ გაუშვა  
ეგ გოგონა, ხოსობივით მოგოგმანე, ალვისტანა, მაცქატუნა,  
ფითქინა და ლამაზუკა,

მიდი, ბიჭო, მიუცეკვე, რა ფეხები დაგებლუკა.

მიდი, ქალი იმის არის, პირველობას შენგან ელის, პირველ  
ნაბიჯს, პირველ სიტყვას და გამხელას გასამხელის.

მერე მისი დგება ჯერი – მოგაშუქოს თვალი შველის, ამის  
მერე, დამიჯერე, არასფერი არ გიშველის.

ერთი შიშნარევი კოცნით ისე აგიდულოს თავი, რომ  
ერთბაშად დაგავიწყოს წუთისოფლის ყველა ავი.

გოგოები კუჭკუჭებენ – საით გაშპა გულქანაო, ვინცხას ხო არ  
ელოდება სასიმინდეს უკანაო...

ნეტა შენ თუ გელოდება, მიდი ბიჭო გიორგუნა, მიდი, ბედმა  
თუ გარგუნა, ჩაიხუტე, ჩაიკონე, მერე ჯვარიც უნდა იფსკვნათ,  
აგერ არის ბარაკონი, მერე კილო უნდა ის ქნათ, ჩუმად რო გაქვთ  
განაგონი,

რომ აკვანი, ხარატულა, ნაშიერით დაამშვენოთ, რომ ღულუნა  
კერიასთან იმრავლოთ და ინაშენოთ თვალხატულა ფერიებად,  
ბოდორია ბოკვერებად,

აი მაშინ, დუნიაში, ვეღარავინ მოგერევათ.


ეგ წიფელა, ცაბიჯგელა, შიბაქებად დაგეთალოს, სიბერეში  
შვილთაშვილი გაჭირვებით დაგეთვალოს, გულქანამ კი  
კიდეუ დიდხანს გიცხოს კვერი ბარბალისა, სანამ სრულად არ  
გაძლებით ცქერით მზიან ცარგვალისა.

მიდი, ბიჭო, გიორგუნა...



## გინდა ღიმილის დაფარვა

გინდა ღიმილის დაფარვა,  
ტუჩის კუთხეში მალავ,  
ჩემს გულზე ფიფქად დაქარგვა  
მოასწარ ნუკრისთვალავ,  
ზღაპრიდან გამოპარულო,  
ზაფრის დამცემო ძალავ,  
ტრფიალის ალის მამდებო,  
ბრიალა ნაპერწკალავ,  
ისეთი შუქით ამავსე,  
ისე მჩხიბავ და მთვალავ,  
აგრე უღმერთოდ ლამაზი  
რამ გაგაჩინა ქალავ...





ზუსტი საათი / ტილო, ზეთი / 100 x 80 სმ



## რახუჯობნა

დაიხუჭება ახლა მერი და მე და ანუკი დავიმალეებით, ძებნას დაიწყებს, ვიცი, სხვნიდან, თავისი მწვანე, კატის თვალებით.

ამ დროს ჩამოკრავს დიდი საათი, როგორც ყოველთვის, მოულოდნელი, გვამცნობს, რომ ფაფა ვჭამოთ ძალათი, თორემ საცაა მოვლენ მშობლები.

– მალე გიპოვნი, ეშმაკო კობა – ჩურჩულით მესმის ჩემი სახელი...

– ფარდის უკან ხარ, გიპოვნე ბაბუ! – გამომაფხიზლებს ბავშვის დახილი...

ბაბუ? რა ხდება? რად დგას საათი? უეცრად ვიგრძენ რაღაცა ავი და იმ საათის ჩამქრალ სარკეში დავლანდე ჩემი ჭადარა თავი და მწადს გავძახო, რომ არ ითვლება, ვიდრე ათამდე არ დაითვლება...

მალე აღარც ის მემახსოვრება, ეს შარშან მოხდა, თუ იყო გუშინ, ასე გაფრინდა მთელი ცხოვრება, ვიდრე ათამდე დავთვალე გულში.

## მკულისთან სცუმარია

ბუხარი რის ბუხარია, ცეცხლი თუ არ უხარია,  
ხმელი შუმა თუკი ნახა, მაშინ უფრო უხურს ხახა,  
ნეკერჩხალის ნაკვერჩხალი ქოცოს მათუხთუხარია,  
კეცი უკვე მხურალია და კარდალაც მდუღარია.


აგერ ხელი წეიბანეთ, პირსახოციც უხმარია,  
სანთლის ოტკა გაგვისინჯეთ, უჰ, რა ჩასახუხარია,  
ნაჭაპური მიატანეთ, ახალგანახუხარია,  
სტუმარმა თუ მეიწყინა, მაინძელიც მწუხარია.

ე ქალებო, პრასის წნილი, გეინძერით პაწა აწი,  
ბაძგარია, ჭურს მოხადე, ნუ დამიხჩვე აი კაცი,  
შალიკოსთან რო სტუმრობენ ქალაქელი გოგონები,  
დეგვეწვიონ, წამეიღონ თავ-თავისი ბოკონები,  
შალიკოსაც დამიძახეთ, დამდურება იცის მაგან,  
აქანა თუ ვერ ვეტევით, გადევიდოთ სადმე სხვაგან.

სამზადისი ფაცი-ფუცი, ყველა საცხა მიდი-მოდის,  
ვინცხა პუტავს ვარიკას და უბლაყუნებს ვინცხა როდინს,  
ვინცხა ფხალზე აკიპკიპებს, უტყაპუნებს ჭადებს ვინცხა,  
ვინცხამ კიდო თორნის პური ბუხრისპირზე მიაფიცხა...

ქეიფია კაკოლისთან, აიწევა მალე ჭერი,  
კაცი თუა ქვეყნად ნეტავ ახლა მასზე ბედნიერი...





თამადა / ტილო, ზეთი / 70 x 50 სმ



## სამარტოობელი

მადლობა თქვენდა, რა გითხრათ აწი, მთელი ცხოვრება თითქოს წინ არის, ცხოვრება ერთი ქართველი კაცის, უტეხისა და პირმოცინარის.

ჩვენ საქართველო გვერგო სამშობლოდ და ეს სიცოცხლევ მისთვის გვებოდა, რომ შთამომავალს დაუუნარჩუნოთ მისი მიწა და საოცნებო ცა.

თუმცა მახვილი ბევრმა მომართა და მოსაშთობად ხშირად გაგვწირეს, ამაოდ დაშვრა ჯარი ყორანთა, ჯერ არ გასვლიათ ყავლი არწივებს.

ვისაც უთვლია ქორონიკონი და ვინც აუწევს დიდგორს ფიალას, ვისაც გაბურძგლავს ჩემი სტრიქონი და ვისი გულიც შეიძგრიალეებს, ვისაც გამადლებთ ეს სიყვარული, თამარის ფრესკად სულზე ნახატი,

თქვენა ხართ, ერთად, ჩემი მამული, მრავალჭირვარამგადანახადი.

## ლოტო

დაჟდა დოდა დაქალებში, რო უძახის დღემდე ბოჩებს,  
ჭრელი ტომსიკა აქ ხელში, ახრიგინებს ლოტოს კოჭებს.  
- ბოჩიებო, ფული თუ გაქთ, დღეს აბაზი იყოს კონი,  
ჩემოჟღედთ და ვიჭორაოთ, რამდენია მოსაგონი.  
- მოდი ნინა გევიხსენოთ, გოგო იყო ალვისტანა,  
მარა კოლექტივში შრომამ საფთხოხობელას დაამგვანა...  
- მერე ვინცხამ დააფასა, ფასდებოდა ეს იმ დროში  
და სულ მალე ეირჩიეს რაიკომის ბიუროში.  
- გული მენდლით დეიმშვენა, გეიმართა ქალი მხრებში,  
ბერიამ რო მეიხსენა სტახანოველ მეთოხრებში.  
- ვიმპელებით სამსე იყო, სიგელებიც ბლომათ ქონდა,  
ომი რო არ დაწყილიყო, სტალინსაც ქე შეხვებოდა.  
- გეიპრანჭა, იკოტინა, ერმალოსაც ეპოტინა,  
კუპლეტებიც გამოუთქვეს - ნინა, ნინა, ჩემო ნინა...  
- მეთოხარი არ ვიცი და წველავეს რო გვქონდა რგოლი,  
იქ თუ გახსოვს დურცხი ლიდა, ჩვენი ბრიგადელის ცოლი,  
მერგოლურად ქერო გვყავდა, ქახალდევს რო აყალბებდა,  
ჩვენ მონაწველს გვაკლებდა და სათავისოდ იფორმებდა.  
- ცეკას რაფრა ატყუებდა, იყო დიდათ გასაკვირი...  
- ქეკი გახდა მეწინავე წველავი და შრომის გმირი.  
- ხო გამოჩთა, ტყუილებით ქვეყანა რო არ შენდება,  
მარა ის დრო, ხანდახანი, მაინ ტკპილათ მახსენდება.  
- ხრუშოვი არ მევინატრო, ისემც ძალდი მიაკვტება,  
დრო კი არა, ყველას ჩვენი გოგომჰობა გვენატრება.





მონუცები / ტილო, ზეთი / 100 x 80 სმ



## დახროუნებს

მოდის ჩვენი ბავშვობისკენ ერთად გავინავარდოთ, მე რაინდი ვიქნები და შენ - პრინცესა ზღაპრიდან, ავი ყოფით დადაღული ფიქრი ასე გავართოთ და ცოტა ხნით დავიბრუნოთ, რაიც უკვე გაფრინდა.

მე შევისხამ შიმშერ მახვილს, დიდი პაპის ნაქონებს, სიზმრად რომ არ სიზმრებია მადრიბელს და მაშრიყელს, რომ ვეება დევებსა და განძვინებულ დრაკონებს გამოგტაცო და ჩაგიკრა, გარდაგაჭლო ყელი ყელს.

მერმე უნდა მივატოვოთ სამეუფო მზაკველის, ალაყაფთან გველოდება ორი რახსი მერანი, წინ ხიფათით დაყურსული, დამდალავი გზა გველის და პირქუშის განაჭელი ნალფარების თქერანი.

წამო, დროით გადავლახოთ ქაჯავეთის სამანი, ხიდს გადავცდეთ სამშვიდობოს, ვიდრე გვესი გაგვიგებს, იქ დაისის ბოლო სხივი, მიმცხრალი და ლამუნა კომქისაკენ დაკავკაულ კაპიშუკას გაგვიგებს.

ხატი ჟამთა, გარდასულთა, ნეტავ რამდენს დაიტევს, მისი ხიბლი, მისი ბებლი, გული, დანაისრები, ოცნებაში წარგიტაცებ, ვით შეჭფერით რაინდებს, ვიდრე სრულად შეგვისრუტავს აკვამლული ნისლები.



## ჩაქუცი სსსიძეო

აბა დელი-დელაო და  
ქალო, ფეხშიშველაო,  
შინოური, გარეული,  
შემოგველოს ყველაო,  
შენს გარშემო დავსუნსულებ,  
გეპარები ნელაო,  
საცხა მარტოს დაგიგულებ,  
არსაით გაქ შველაო,  
გიყულებ და დაგებრდღვნები  
ვით ვარიას მელაო,  
შენ ხარ ჩემი წერაო,  
ჩემო თმაგიშერაო,  
ჩითისკაბაჭრელაო,  
ოდელია-დელაოოო...







პირველი კოცნა / ტილო, ზეთი / 70 x 50 სმ

## სცემის ყვავილი

როცა ვიგონებ შენს გაღიშებას,  
მარჯნის ბაგეში ჩამუხტულ ვნებას,  
კამკამა თვალთა უცხო საფირონს,  
ასე უძიროს და უნაპიროს,  
და გვირილების გვირგვინით შემკულს  
მაგ თმას, ჩამოდვრილს ოქროს ჩანჩქერად,  
რა მანქანებით ვუბრძანო ჩემს გულს,  
რომ შეანელოს ძალუმი ძგერა.

არადა ბრძენთა მოგდევს კიჟინა,  
რომ სიყვარული არის ტკივილი  
და რომ როგორმე უნდა ჩაახშო  
ამ უგუნური გრძნობის ყივილი,  
რომ თურმე უნდა იცხოვრო მშვიდად  
და დაიოკო სულის ქავილი,  
როდესაც აღარ გაღელვებს დიდად  
შაშვის სტვენა და ატმის ყვავილი.  
და რომ ამგვარი გადარეცხილი  
რეალობისთვის უნდა გაწირო  
შეყვარებულის თავდავიწყება,  
ასე ლამაზი და... სასაცილო.

ესაა გრძნობა, როდესაც გათოვს  
პირველი თოვლის თოთო ფანტელი,  
ღამე, როდესაც შენს სულში ათევს  
განცდათა მთელი კორიანტელი,  
როცა ღრუბლები ჰგვანან თოლიებს,  
როცა რითმები თავად მოდიან,  
ქარი რომ ტოტებს აიყოლიებს  
და მათი ვალსის ჟღერს მელოდია,  
როცა შხაპუნა ქსოვს ცისარტყელას  
და შენ ამ კიბით ცისკენ აივლი  
და ოცნებაში სულ თან დაგყვება  
შაშვის სტვენა და ატმის ყვავილი.




## იმერული პრეზენტაცია

– ტონიკო თუ გახსოვს შენე, ქე რო უფშტვენს მგონი პაწა, აგრაფინას ქორწილში რო გალუსტიკით მეიწლანა, ფილდიკოსის ჩულქებინ ქალს რო თვალი დოუპრანა, ერთი ხელით ხაჭაპური ჩანგალზე რო წამოაცვა, მეორეთი ბარკალს წაწვდა და ტყემალში ამოგნანა, თელი სუფრა მოწრანა და გალუსტიკზეც დეიწრანა...


– ბეჩა! მახსოვს, აპა არა? ორი ჭიქა ჩაყლურნა და სუფრიდანაც გეიპარა, ფეხი ისთე ეშლებოდა, ჭიშკრამდე ვერ გეიარა, იქვე ბჟოლას მიეყუდა და ხმამაღლა გააქარა, ბოლოს, სახში წასაყვანათ პოლიკარპემ ჩეიბარა.

– ხოდა აწი მაგ ტონიკო გამოსულა დიდი კაცი. ახლა თითვან მიპასუხე, ვის აცხია თქვენში წრანა.





სოფლის კლუბი / ტილო, ზეთი / 100 x 90 სმ




## ნაპროემიერის, ორლობში

- ახალი რეჟისორი  
 დან ბლუნკი კაცია,  
 - რავა დეიფხორება...  
 აფსუს ჩვენი ფაცია...  
 - მაცა, რაცხას გიყობი,  
 სასეირო აწია,  
 ცაცა რო დოუნახავს  
 თვალი დოუპრაწია.  
 - შეხე მაგ კრუხის პალოს,  
 ქალებიც ნაყვარება!  
 საწყალს ჟაჟი მოუწევს,  
 ისე მე გახარება.  
 - კაი, რაის საწყალი,  
 წიხქვეშ გასადობია,  
 შავ კაცს ფითქინა ქალი  
 რაფრა დაახობია.  
 - ვა-ხა-ხა-ხა! ეგ კაცი

შენზე უფრო ბრაწაა,  
 ტუფლის მაზი უსვია!  
 დევიხობი საცაა!..  
 - არ შეგვმლიდეს ნეტეი,  
 დღეს უთქვია, რომეო  
 ცაცა ჯულიეტაა,  
 ბუჭუტია - რომეო...  
 ბუჭუს ცოლი ქე იცი,  
 კივა - არ შევარჩენო!  
 ქმარს ისე ყარაულობს,  
 ვითამ ყავდეს მარჩელო...  
 - ასე იცის შექსპირმა,  
 ინტრიგები დაფრდება.  
 „ყვარყვარე“ რო დაგვიდგას?  
 - უფ! რავა ეკადრება!  
 - კაით, რას ჩააჩემდით,  
 თლა მიწამი ნუკი დობთ,

მაგ ლაპარიკს ჯობია  
 თუთუნს რო წოუკიდოთ,  
 ვალიაროთ, ქონია  
 გემოვნება დიდრული,  
 თქვენი წონა, გონია,  
 წიგნი აქ წაკითხული.  
 - კი აქ, მარა რათ გინდა,  
 ვინმე ართმევს თუ?  
 უცხვიმპირო არი და  
 ნამეტანი ღჯუ.  
 დღეს სალამიც არ  
 მითხრა...  
 - მეიცადე! ჩუ!  
 გესმის რამე გალმიდან?  
 - წურწუმელა წუუუუ!



## მიცდევების ყვირისა

არა და არ დაგველია საგიჟმაჟო იდეები,  
გარს შაგრენის ტყავი გვაკრავს და უფსკრულის კიდეები.  
ბრაზით და ამპარტავნებით ვერა ვხვდებით რომ ვევენებით,  
ახლა უკვე საქართველოს სამოთხიდან ვიდევენებით,  
გახსენ გული, დარაზული სიამაყის კლიტეებით,  
თუნდ მცირე ხნით განვიწმინდოთ ერთმანეთის მიტევებით.  
სიყვარულზე საოცარი განა რამე გვაბადია?  
სხვა საუნჯეს რას დაეძებ, მოყვასმა თუ გაპატია.





დაძალები / ტილო, ზეთი / 100 x 80 სმ



## ნაყნის - ნარსიკულაო

- ოღონ უცევ არ გახედო, ვილისთან რო დგანა, ცხვირა,  
 - უი, გოგო, ეგ ის არი, კოცნა ქე რო დაგიპირა?  
 - ერჯენ ქე რო გოუცინე, იმის მერე მეკურკურა,  
 ახლოს რო არ გევიკარე, იწყინა და დამენდურა.  
 შეხე, გოო, ჭროდა თვალებს რაფრა კაჭლავს ეგ თავხედი.  
 - შენ რალატო გეიტრუნე, აქამდე რო არ მიმხელდი?  
 მე თუ მკითხავ, კაი ქენი, ეგ არ არი შენი სტორი,  
 მასზე უმფრო შესახედი კილო ქეა ერთი-ორი.  
 - ახლა შამშეს ეკას მიდგა, სამსახურის კართან ხვთება.  
 - შენ სეირი მერე ნახე, ეკაც თუკი ატროვდება.  
 - გაჩეთ აწი, თანდათან გოუფშტვინეთ ნამეტნავად,  
 ან ეკამ რა დაგიშავათ, ან ბიჭმა რა დაგიშავათ.  
 ჩამოგარჩენთ სხვის საქმეში ასე ჩაკირკიმალება,  
 სხალი რო გადაწიფდება, საბოლაოთ ღორს დარჩება.  
 თქვენ ლაპარის ვინც აყობა, კაი დახლი ღოუდგება,  
 ატროვდება კიარა და ველარასდროს გათხოვდება.  
 ეგეც მალე გამოჩთება, ვის შერჩება აწი ფუწი,  
 თქვენ იჯექით მაანა და აკმაკურეთ ხანტრაბუცი.



## იმ ჯოთხისელო თამაჯას

სულხან მაძისეიშვილს

თავისუფლება როს დასამარდა, წამოგვიხშირდა პურისჭამები, სუფრასთან, ბოლო თავშესაფართან, მხარიმხარ ჩასხდნენ ჩვენი მამები, რამეთუ არსით, გარდა წარსულის, არ დარჩენოდა სულს გასაქანი...

თუნდ ვეება და უკიდეგანო, საკანი მაინც არის საკანი.

აქ დრო არავის ახსენდებოდა, აქ სიტყვა იყო საქმე, ქებული, ტყვეობის ვადაც ასე დნებოდა, ქართველობისთვის დაწესებული.

აუღარუნებდნენ ენებს მამები, მომავალს ჭვრეტდნენ დაიმედებით, იკრიბებოდნენ, სათქმელს ჩურჩულით ეპარებოდნენ, ხოლო დედები ფერიებოვით არაფრისაგან აკოწიწებდნენ ზღაპრულ პურმარილს, როდესაც ლუკმა იყო დათვლილი და მაინც ღვთისა იყო სტუმარი, რომ კაცებისთვის თუნდ ერთი ყლუპი ეჩუქებინათ თავისუფლების...

და იცლებოდა ფისო-ყულაბა, რომელსაც ერქვა „ლაკის ტუფლები“.

ნუნუას მადლით ისევ ღვიოდა სული, ბორკილით განაწამები, დრო მიდიოდა, მამებთან ერთად სასჯელს იხდიდნენ სელის სკამები,

და როცა სუფრა დააპირებდა განმარტოებას თავის ნაღველთან, სკამზე შემდგარი მასპინძლის ლეკვი შეუბერავდა მიმქრალ ნაღვერდალს:

„- ვინა სთქვა, თითქოს პატარა იყოს ჩემი სამშობლო, დიდების დირსი, ქართლში ვინ ჰპოვა პატარა ციხე, ვინ მოიგონა სიმცირე მისი...“

ღვიოდა სული, გულებს კი ხრავდა ავი დროების სუსხი მზაფრავი და იმედისკენ გაწელილ გზაზე ემატებოდა საფლავს საფლავი...

ნაბრძოლ-ნაგვემო თაობავ ჩემო, ჩემო ჭადარა ლომების გუნდო, თავისუფლების რა იცის გემო, ვისაც არასდროს სდებია ხუნდი.





ცხენი / ტილო, ზეთი / 120 x 100 სმ



## სყლოელთჳნი ლოქსი

სიყვარული რო გაგტანჯავს, მაშინა ხარ ცოდო, თუ ხარ, თმაკუნაპეტს, ბაგემარჯანს, ან სიზმარში სად წაუხვალ, თუმც ამაოდ გამინარჯავს სააშიკო გარჯილობა, საიმედო არსით არ ჩანს, არის ქიშპი და ცილობა, ყველა კუდურს, ყველა არჯალს, მოსდომია მაცილობა, ვინ შეგარჩენს თურმე ჯანჯალს, უნდათ ჩვენი დაცილება, ყური მეგდო, ხომ მიჯობდა, ჭკუას ქე რო მარიგებდი, ალბათ ჭკუა არცა მქონდა, თორემ რად ვერ გავიგებდი. აკი მითხარ – ბიჭო, ნეტა უნაგირზე გადამკიდო, ქვეყნის კიდე იპოვე და გადამმალე, ანდა კიდო ნუ გაამხელ დაფარულსა, თორემ შეგვიშურებენო, „შეგვიტყობენ სიყვარულსა, დავგამორიშორებენო“...



## ანა-მარია

ანა-მარია, მე შენს თვალებში  
ცა დავინახე, ოღონდ რომელი,  
თავად არ ვიცი, რადგანაც ჩემთვის  
იყო უცხო და მიუწვდომელი,  
იქნებ იმიტომ, რომ ის შორია,  
ანდა იმიტომ, რომ სიზმარია...  
რაც მთავარია, მე შენს თვალებში  
ცა დავინახე, ანა-მარია.







ბრამაფონი / ტილო, ზეთი / 80 x 60 სმ

## ჩალოა თქნოქაქა ზუშხულოი ჩალოში

ლიზას გრამაფონი ჩამოუტანია,  
ამას ვნატრულობდი ამდონი ხანია,  
სულ არ დეენანა ან დრო და ან ფული?  
მარა, ვეცოდები შინ რო ვარ დამბული.  
რემატიზმს რა ვუთხრა, ვედარ ვერეოდი,  
თვარა მე სცენის ტვერს ვერ შეველეოდი.  
ჩემ ჰამლეტს იხსენებს დღემდე ქუთაისი,  
მარა ნაადრევი დამიდგა დაისი.  
ფირფიტებს ჯერ ნევსი არა აქთ ნახლები,  
თლა ცინცხალებია, თლა ახალთახლები,  
ა, სარაჯიშვილი, ა, ქუმსიაშვილი,  
ა, აღნიაშვილი, სანდრო ინაშვილი,  
ა, შალიაპინი, ბანია თავარი,  
ა კიდო კარუზო, ტენორი რავარი,  
რა დონე ყოფილა, სმენას რო ვენდო,  
იქნება ცოტა მეც ქე ვიმღეროო

...

- ლა დონა მობილე,  
ქუალ ჰდუმ ალ ვენტო,  
მუტა დ'აცევეენტო  
ე დი პენსდერო!.



## საქორწინო

მადლით  
გარდამოხედ  
ძეო გამჩენისა,  
ჯვარცმა იღევ თავს და დაფვლა სამის დღისა,  
რათა დაგეხსენით ცოდვათაგან ჩვენთა,  
ცხოვრებაო ჩვენო, მამ დიდება შენდა!  
ხოლო საქართველო, კელაპტარი წმინდა,  
კერპად მობირბილე ალი სერაფიმთა,  
შენი ერთგული და შენი მოესავი,  
კურთხეული ჰყავი და არიდე ავი.  
მისი შვილი ყველა და სუყველა მხარე  
იყვარებდეს ერთურთს, ვით შენ შეიყვარე,  
მოაქციე რწმენის და სიკეთის დვრიტად.  
...  
მაცხოვარი აღდგა!  
ამინ!  
ქეშმარიტად!





კაცი ფლუიტიტ / ტილო, ზეთი / 100 x 80 სმ



## მეთისციო ჯაქონი


რარიგ ახლოა ახლა ზეცამდე,  
რომელმაც სივრცე გამოგიწოდა  
და გაირინდა, რადგან იცოდა,  
რომ შთაგონებას აიწუნავდი  
და შეაფენდი საგალობელად  
გრძნობით მოსილი არე-მარისა,  
შენთა ვნებათა დასაპყრობელად  
მთვარის შუქი რომ ისაკმარისა.

არა ხარ მარტო, შენს გვერდით არის  
ჰანგი ტიტანის, ნაპერწკლიანი.  
აბრუნდებიან ინი, იანი  
და ერთმანეთის ხდება ზიარი  
სული, ამგვარ ჟამს ზერე რომ ილტვის,  
რომ ცადა ჰჰოვოს თავშესაფარი  
და ვარსკვლავეთი, მანქანო ლისტის  
ამბოხებული ვერცხლის ფაფარი.



## როს შვინდი აფეთქებული

როს შვინდი, აფეთქებული, ეკვლევება ქიზ ქარებს,  
ან ვარსკვლავების კრებული კამარას მოასიზმარებს,  
როს რიბირაბო იალებს და ნაკადული წვრიალებს,  
ყელაღერილი გვირილა სიოსგან შეიჟრიალებს,  
ელვანა როცა გაკვესავს, ფიფქი რომ თვალში ჩადნება,  
და ასპიროზი, ჩახჩახა, მზეჩაის დაექადნება,  
ცას რო გაკაწრავს ნამგალა, თავის სილაღის მკვირველი,  
ყოველთვის გამახსენდება შენი დანახვა პირველი.





ნიუ / ტილო, ზეთი / 100 x 70 სმ



## სწოვამწოცი

როცა ევამ, შობილმა ისევ ჩვენი ნეკნიდან,  
აკრძალული ნაყოფით შეგვიცდინა ადამი,  
ამოივსო ედემი ნარითა და ეკლითა,  
მახრჩობელა ბუსუსით დაიფარა ატამი.

მაგრამ, რომ არ ეჭამა, ვითომ ის აჯობებდა?  
ნუთუ დიდხანს გაძლებდა მწიფე ლედვის ამარა.  
ეს არა სჯობს, ახლა რომ მადას ვერ ვიოკებთ და  
ხინკლით გამოტიკნილებს აღარ გვწვდება ქამარი?

ალებო და დალებო, ტყაშმაფებო, ელფებო,  
მაცდურებო, ეშმებო, კაცის გამაწვალებო,  
მაინც ჩვენო კერპებო და სიცოცხლის დველფებო,  
საკაცეთის სახელით გეხუტუნეთ ქალებო!



## შევისყიდი ოქროს

- იმე! ჩემო იმანო, მიტუმა ვარ, გაღმელი,  
შენ ხო ცაცას გოგო ხარ? ატარ მახსოვს სახელი.  
ის ქე მახსოვს, ჩვენ კლუბში ჟანა რო ითამაშე,  
მთხოვნელების რიგი რო დოუყენე მამაშენს...  
- ეჰ, საცა ვმუშაობდი, ყოლიფერი დახურეს,  
ახლა ოქროს ვიბარებ, კალიცოს და საყურეს,  
კულონები, ცეფები, ბრასლეტები, ბროშები,  
რაცხა თუ არ ვიშონე, დამემშევა ბოვშები.  
იქნებ იმათ მოესწროს უკვეთესი ცხოვრება,  
ჩვენ რა დრო გევიარეთ, ვიდას ენახსოვრება.  
- მართალს უნობ, სიცოცხლე ისთე გაგვიწკვარამეს,  
ცივი ჭადი იყოს და ვიდა ჩივა სხვა რამეს.  
მე ჯერ ვერ მოვახერხე სამუშევრის მიგნება...  
ჩემი ლოლას საათიც ჩეიბარო იქნება..





აკრძალული ქალაქი / ტილო, ზეთი / 100 x 50 სმ



## საქოამო, წვიმას რას მოლოტოცინი

ცით მეოტია დარი ნოტიო,  
 ქუჩამ უცები და უცნაური  
 ჩამოიფხატა ბინდი.  
 მხოლოდ ჩრდილები მიდი-მოდიან,  
 თვლემს ლამპიონის ნისლა აურა  
 და იზმორება ხიდი.  
 წვიმას თავისი აქვს მელოდია  
 და აღარ ისმის აქ სხვა ხმაური,  
 ნიავიც გაირინდა.  
 გარეთ - სამყარო, სევდისოდენა,  
 შუაში - რკინის სველი ცხაური,  
 აქეთ - ეული რინდი.  
 სარკმელთან შენი ჩავლის ლოდინი,  
 და ეგ დიმილი, არაქაური,  
 ცის ნაჭურივით წმინდა  
 და მოყვავილე შინდის ტოტივით  
 სამკაული და დღესასწაული,  
 დასასიზმრებლად მინდა.

## წიგნი

- კაი იყო?
- კიე, მარა არ მომეცა გასაქანი...
- წავალ, ჭადებს გამოვაცხობ...
- დარჩი კილო პაწა ხანი...
- წუხელ ციცქა მომერია,
- თავი მქონდა ვორი ფუთი,
- იმ ქალს თავს რო აწონებდი,
- კი იყავი გასაპუტი!..
- ვიზე უნობ, აღარც მახსოვს,
- ნუ მოაბი გლახა კუდი...
- მოხვრიპე და გეიხსენებ,
- მანა გიდგას ცივი ლუდი.
- ოღონ ახლა ნუ გამბურღავ,
- ჩემზე იყოს ნორკის ქუდი.
- რას აპირებ შე სულელო?
- კაი, კილო ვოცი წუთი...
- ხიცი-ხიცი...
- ღუტი-ღუტი...
- შენი ბედი, უსაშველო
- ბუტიობა რო არ ვიცი...
- ღუტი-ღუტი...
- ხიცი-ხიცი...







ბაბო უთოთი / ტილო, ზეთი / 100 x 80 სმ



\*\*\*

- ბებო, ბაღში სპექტაკლი გვაქვს,  
მე გვირილა ვიქნები,  
თეთრი კაბა სად ვიშოვნო,  
არ მასვენებს ფიქრები.

ბებომ ეს რომ მოისმინა,  
დიდხანს არ დაახანა,  
ჩიქ-ჩიქ-ჩიქ-ჩიქ - აფუსფუსდა  
საკერავი მანქანა.

მალე კაბაც დაიბადა,  
უს, რა მშვენიერია,  
შენ ბებიკო კი არა და  
ხარ ზღაპრული ფერია.

## რს ჰქვიასი პატარობს

მოდით ბავშვებო, ჩემოვყვეთ,  
რომელ პატარას რა ჰქვია,  
დათვი რომ დაიბადება,  
განა მაშინაც დათვია.

პატარა დათვი ბელია,  
ლეკვი - პატარა მგელია,  
ლიფსიტა თევზის შვილია,  
ნუკრი - პატარა შველია.

კურდღლის შვილია ბაჭია,  
ბაცაცა - ციციქნა ბოცვერი,  
პატარა ღორი გოჭია,  
პატარა ლომი - ბოკვერი,

კამეჩის პირმშო - ყოყინა,  
პატარა ბატი - ჭუჭული,  
პატარა თაგვი - წრუწუნა,  
პატარა ვირი - ჩოჩორი,

ძროხის ნაშიერს ხბო ჰქვია,  
კატის შვილი კი კნუტია,  
პატარა ცხვარი - კრავია  
პატარა მტრედი - ხუნდია,

პატარა ცხენი - კვიცია,  
ხობხობის პატარა -- ლაპია,  
არწივის შვილი - მართვია,  
ზაზუნას შვილი - ღლაპია,

წიწილა ქათმის შვილია,  
ფოთრი - პატარა ჯიხვია,  
პატარა სპილო - სპლიყვია,  
ბჟიტი - პატარა იხვია.

შევარდნის შვილი - ქულაა,  
ფარშევანგისა - ნამლევი,  
ინდაურისა - ჭუკია,  
კოზაკი - ნორჩი აქლემი,

პატარა თხაა ციკანი,  
ბარტყი - პატარა შაშვია,  
ყვავის შვილია ბახალა,  
ადამიანის - ბავშვია,

უჰ! დავიდალე, ამდენი  
არც კი მახსოვდა, თუ იყო.  
ნეტავი კუს შვილს რა ჰქვია,  
კუსუსუნა თუ კუიკო?





სვანური ოჯახი / ტილო, ზეთი / 100 x 130 სმ



## ოჯახი

გოგოს ფიქრი  
 ფეხსაცმელზე დამაჩერდა გუშინ ჩემი მამიკონა,  
 უცებ თვალი მოეცრემლა, გულში მაგრად ჩამიკონა.  
 ბიჭის ფიქრი  
 მალე მინდა გავიზარდო, ღმერთს სულ ამას ვეხვეწები,  
 ღონიერი რო გავხდები, მამას მხარში დაუდგები.  
 ცოლის ფიქრი  
 ყველას ასე გაგვიჭირდა, ქვეყანა რო ეირია,  
 ბევრი იქით გაეშურა, საცა მეტი ხეირია,  
 გუჯამ - თავს აქ დავირჩენთო, არ წავალო ქვეყნის კიდეც,  
 ყოჩაღია მამათქვენი, რასაც იტყვის, იზამს კიდეც.  
 კაცის ფიქრი  
 გაქრა ჩემი სამსახური, მომავალი გამიხუნდა,  
 წავალ, გუთანს ვინათხოვრებ, ინჟინერი ვიდას უნდა,  
 მერე არჩევს ავაკითხავ, კიდევ მახსოვს მათი ბინა.  
 გაჭირვება რას დამაკლებს, ღმერთმა სვანად გამაჩინა.

# წისქვილის

ვიდრე ხანდარა მარტი დაიბეჩავებს ავდარს, ტყემლის ფიორა კვირტი ედიდგულება ზამთარს.

ქრის აბეზარი ქარი, თებერვლის ავი კუდი, ამღვრეულია დარი, თქემს ენაცვლება ფრუტი.

ხან რომ მხაპუნა წვიმა დაუჭაქუნებს კრამიტს, ხანაც ჭიატი მცირე შემობრუნებს ამინდს.

ნიავეს ჭორივით დააქვს ფთილა ფომფომი წისლის.

რა საამური ხმა აქვს ხევში გამართულ წისქვილს, უძირო გუდას ზღაპრის, თავადაც ლამაზ ზღაპარს, გზას შერჩენილი მგზავრის იმედს და თავშესაფარს.

ღარს დასხლეტილი წყალი ჩაუხვევია ბორბალს, კოტრიალობს და ბორგავს, როგორც აშივი ცხარი. თავბრუდახვეულ დოლაბს კრიჭა უზოგავს ხორბალს, საკვამურს ცაში ბოლის აუკლაკნია ხიდი, მოღონიერდა ბინდი, ბორცვები გადახუნდა, ზის მეწისქვილე ბონდო, ბევრი არც არა უნდა, ცოტაოდენი მინდი, ორი იმდენი – ჭორი, აჰა, ეშველა მგონი, მგზავრი გამოჩნდა შორი.

მალე გუზგუზა ბუხარს მიუცუცქდება ორი და მონდომებით გაჩხრეკს ყოფიერების ავ-კარგს, მოიგონებენ ამბებს, გარდასულსა და გამქრალს, და ამ დუდუნის მიღმა სევდის ელფერი დაკრავს ღარში ნაკადის რაკრავს და სარეკელას რიკრიკს,

წისქვილმა ფიქრი იცის, ფიქრი შორეთში მიქრის...

საიდუმლოსი, დიდის, მოგებალება განცდა, წუთისოფელი, ფლიდი, რა დაუნდობლად გძარცვავს, როცა სიცოცხლეს შენსას ისე ღერტავს და ნაცრავს, როგორც ბუხარი წვირს და როგორც დოლაბი მარცვალს...

სმენას მოგტაცებს წამით შურშული ხმელი ისლის, ამ ბურღებიდან ღამით ჭინკის ფხაკურიც ისმის, ბუხარში ფიჩხი, სველი, ბრაზობს, ნაპერწკალს ისვრის, მოჰყვება ხიბლი ძველი ხევში გამართულ წისქვილს, სადაც ფიქრი და განსჯა ხანდახან ლექსად იშვის და იწრიტება ხვიმრა, როგორც საათი ქვიშის, სადაც დოლაბის ღირღილს უხამებს გული ძგერას და გაუმხელი შიშით ეპოტინება მზერა წისლეულების გროვას, შორეულ ცაში მბოლავს

და თვალსაწიერს ჩვენსას,

ერთ უზარმაზარ დოლაბს.





აბაშა  
საშაო გორი  
გორი  
გორი

საჩხერე

ონი  
მშენებელი

ონი

მარტვილი

სამცხე

ჩხარო

ჩხარო  
გული

მწიკი  
მწიკი  
მწიკი

მხურვთი  
ბახვი

თხილი

ონი  
ბუბი

ლესი  
ფატი

აბაშა  
გორი  
გორი  
გორი

ახალი  
მოსავლი  
ფორჩი

საჩხ.


ფუთი

ფარსანი  
სუბი

მედი  
მედი



ნატურა ალა / ტილო, ზეთი / 80 x 70 სმ




## აქოყრას უნახის ცოცი

აპრილის პირველი დილა,  
ჭიჭიკით აივსო ჭალა,  
მზემ ცას გაუხუნა ლილა,  
ბწკალებში ჩაუდგა ძალა.  
აფეი დაშვენდა კორდებს,  
მერცხლებმა კამარა შეკრეს,  
ფუტკრებმა ზუზუნი მორთეს,  
როკვა გაუმართავთ პეპლებს.  
ატოკდა უნახის ტოტი,  
სიო დაიწვინა მკლაფზე,  
ჰაერში გამეფდა შფოთი,  
საამო სასოთი სავსე.



## პიცა თუ ხაჭაპური

უცბად გააქტიურდნენ სნობები და ბოზები, აღარ აკმაყოფილებთ სექსი მამა-პაპური, ახლა დროა ვისწავლოთ დასავლური პოზები, გავარკვიოთ რა გვინდა, პიცა თუ ხაჭაპური. ახლებურად ცხოვრება ნულარ გვეჩოთირება, აზიატი გოიმის რომ არ გვერქვას სახელი, ხდება სავალდებულო ტაკოს ტატუირება, ქვედა ბალანს სჭირდება ცალკე პარიკმახერი. შეამჩნევდით, სიგლახე რა სწრაფად გვეუფლება, თუმცა ერთი თვისება დაგვრჩა გაუხუნარი, ძალზე ფინთი საკვების, ფინთი ხელისუფლების და თვით ფინთი ეპოქის მონელების უნარი.





ქალიშვილის პორტრეტი / ტილო, ზეთი / 60 x 40 სმ

## ლილილო

რაც შენ გიხილე, მინდვრის დიდილო,  
არ მინატრია სხვა რამე უნჯი,  
მე მენატრება შენი დიმილი  
და ეგ თვალები, ზღვასავით ლურჯი.  
თუმცა, ხმამაღლა ვერ ვადიარებ,  
და თუ ოდესმე გავბედავ ამას,  
დაუშურველად გაგიზიარებ  
ასე წამლეკავ და ასე ლამაზ  
სიგიჟეს, ჩანგად რომ შეგადერებს  
და აგაჟდერებს ისეთ ჰანგებად,  
მთელს თვალსაწიერს რომ აამღერებს  
და ჟერჟელიად დაექარგება,  
დაეკარგება კაბადონს ჭერი,  
აღავდავდება ყოველი მუნჯი...  
მე ცისარტყელამ მაჩუქა ფერი,  
აპრილის წვიმის შევკარი ფუნჯი,  
დავიმორჩილე რითმები შერი  
და მოვარჯულე სტრიქონი ურჩი,  
რათა დავხატო დიმილი შენი  
და ეგ თვალები ზღვასავით ლურჯი.  
გულისნადები, რაც ვერ გითხარი,  
უდაბურ ქუჩებს გავანდო ლამის  
და ეს სიმღერაც პასუხი არი  
ჩაბარუხივით მბორგალი დამის.  
ეჰეჰეიი...





## საქართველოსთვის

დათო ჰაპუაშვილს

ნეტავ რა არის სამშობლო, თუ არა ზეზვას ყივილი,  
 თუ არა ვაჟას ბუბუნი და ქეთევანის ტკივილი,  
 სამშობლო შენი ურია, ნაწამები და დაღლილი,  
 დიდი ალაზნის ველია, მისი მზვარე და ნაგრილი,  
 ბედიას და მარტვილი, უშგულია და შატილი,  
 ვენახი, პაპის ჩაყრილი, შენი დედილოს მანდილი,  
 შენი ლეკვების ხითხითი, მეუღლის სველი თვალები,  
 მიწა, რომელსაც აჩნია თამარის ნატერფალები,  
 ეზო-ყურეა, კერია, ტაძრებია და მთებია,  
 სამშობლო ყველაფერია, რაც ისე მოგნატრებია.  
 რომ ამოდენა სამყარო ერთ ფიცხელ გულში დივდება,  
 საქართველოთი რომ დუღს და  
 საქართველოსთვის ცივდება.





ოჯახური იდილია / ტილო, ზეთი / 100 x 50 სმ

## რეაქოლოგი კოვზინში

- ზაპჩასტები გვითავდება,  
სარატოვში მივალ სვალე,  
რავა სუ მე მაგზანი-თქვა,  
უმფროსს პირში მივახალე.  
რა მეხვერწა, რო იცოდე,  
შემეცოდა ეგ ლობიო,  
- არ დამღუპო არქიფოვიჩ,  
სხვას არავის ვენდობიო...  
აქვე არის სარატოვი,  
განა სადმე დაკარქულში,  
ერთ კვირაში აქანა ვარ,  
ჩაგეფსკვნები შაქარგულში.

...

ფიქრად ნაპასუხები  
- ვიცი შენი მივლინება,  
ესენტუკში მიხვალ სვალე,  
ჩიტმა ენა მომიტანა  
იქ რო ქალთან იხვანხვალე.  
წაი, როის დამიშლია,  
დოუბამი სვადი მყავხარ,  
აფირისტი ქე ხარ, მარა  
რა ვიღონო, რო მიყვარხარ.  
ვიცი დიდხანს არ შერჩები  
ალიონებს და მატრონებს,  
რუსული შენ არ იცი და  
არც სიმავრი გიპატრონებს.

...

ხმამალლა ნაპასუხები  
- წაი, ჩემო პუმპურიკა,  
როის მითქვამს შენთვის  
ვარი,  
ლურჯი ბროშკა წამომიღე  
და ელექტროსამოვარი...



## წავიყიბხვს, სიყვარულის მოციქულნი წავუარ წიგნებ

დღე რა უცბად გამეპარა სამზადში და მარანშია,  
 ვახშმის დროა ჩემო ყველავ, ადუ, ნუთუ არა გშია?  
 ზურგიელი, სუკი, ყველი, იქაც მსუყე ბოზბაშია,  
 არც ვინ არი შენი დარი ჯამში პურის მოსმაშია.  
 ვიყოჩადე, ჩემი ვაცი რაზედ უნდა დამემშია?  
 გენაცვალოს დარეჯანი მაგ ნამგალა წარბებშია...  
 – სიყვარულით მაძღარი ვარ! არც მწყურია, არცა მშია!  
 ლუარსაბი გეხუტუნოს მაგ ბუთქუჩა დაბაბშია!  
 ღმერთის გარდა ვინ მამცემდა ქალსა მე შენსნაირასა,  
 კვანწი ჰქენი დარეჯანო, მე შამოვკრავ დაირასა,  
 პაწაწინა ნიგვზის ტოტო, ნუ დამლიე ყოყმანითა,  
 მოდი, გული გამიხარე მაგ ნარნარი გოგმანითა,  
 მემრე აქვე კოტრიელა, მე კი გეტყვი ნანასაო,  
 ჩუპრი-ჩუპარ, ჩუპრი ჩუპარ, ჩუპრი დარეჯანასაო.





ლობიანი / ტილო, ზეთი / 70 x 50 სმ


## გოგუცა რა მინადორა

კაი ათი წელიწადი ბედმა დააშორიშორა  
გადამბული დაქალები გოგუცა და მინადორა.  
ერთმანეთის სანახავათ ველარასფრით მეიცალეს.  
ახლა ზარი გეისმა და მინადორა აღეფს კარებს.  
- უი, ხო არ მომეჩვენე, ეს ვის ხედავს ჩემი თვალი,  
დედაშენი გამახსენე, გოგუცა ხარ ალი-კვალი.  
რაფრა აგიყრია ტანი, გათხოვდები, საცა არი.  
ნახე შენე, თფილისელი თუ არ მოგინახო ქმარი.  
გაპოვიო უნდა ბედი, ქე რა ვიცი მაგის მეტი!  
- სა მცალია გასათხოვრად, სასტავლებლად ჩამევედი,  
მევილიე გამოცთები, საექთნოზე ჩავაბარე,  
სანამ ბინა გამოჩთება, იქნობამდე შემეფარე.  
- შემეფარე რას მიქვია, აქიდანი ვერსა წახვალ,  
დედაშენიც ხო ჩამოვა? მენატრება მისი ნახვა.  
შენც მოგივლი, ეგ ლოყები ქე გაქ კარქათ დასაბრაწი,  
ბეჩა, რაფრა გამახარე, სა გაგიშობ ბოშო აწი.  
ჩამოსუპდი შენ აქანე, მე ქუხნაში ვირბენ თანე,  
ეს ბარკალი გადეიღე, ცხელი ჭადი მიატანე.  
ჭყინტი ყველით გატივნილი ხაჭაპურიც მალე მოვა,  
დააკარე რამეს პირი...  
- მალობთ, გულმა დამითხოვა.  
- ჭამა-სმა თუ აგიკვეთა, აპა რას გთხოვს შენი გული?  
ჩიტივით რო იკივნები, ქეც მიტო ხარ გაჩხინკული.  
ჯიუტი ხარ, გატყოფ, მარა, მაცა შენე პაწა ხანი,  
დედაშენმაც ველარ გიცნოს, თუ ფერვანი, თუ ხორცვანი.  
ვინც დიეტა მეიგონა, ვითამ რასმე უნობს სტორა?  
...  
რა დროს ფერვან-ხორცვანია, შენ მეისპი მინადორა...

# თამადა

- უკაცრავად, შეკითხვა მაქვს,  
დრო თუ გემეტებათ,  
სამშობლო რომ ჩამორჩება,  
თქვენ არ გედარდებათ?  
დღეობები, ძეგობები,  
დიდი ქორწილები,  
მხოლოდ ჩვენ ვართ საქეიფოდ  
თითქოს მოცლილები.  
არ აჯობებს რომ შრომაში  
ეს დრო გაიხარჯოს?

- საქართველო ვისაც გიყვარს,  
ყველას გაგი-მარრ-ჯოს!  
ფიქრობ, რაც რო ვქენი აქ მე,  
გასართობიაო,  
მარა ქვეყნათ არა საქმე  
მას არ ჯობიაო,  
ჩვენი ხალხი ასეთია  
ათასწლებიაო,  
ყოფნა ისე უცებია,  
მოსასწრებიაო.  
ხარჯვა ვისაც ენანება,  
რა შერჩენიაო?  
ჩვენთვის კიდო ეს ცხოვრება  
მოსალხენიაო.  
მე ამ საქმეს მასტავლიდა  
დიდი ჟორიაო,  
- თამადაო ჯაზ-ორკესტრის  
დირიჟორიაო.  
თუ ვერ იგეფ,  
მაშვინ ნუღარ შემიკვიინეო,  
დღეს აქანა ვიქეიფებ,  
ხვალე - იქინეოოო.





სიმღერა / ტილო, ზეთი / 100 x 80 სმ



## იმღერელი ემიგრანტების სიმღერა

მენატრები, შენი სიო მენატრება,  
შენი ჭები, შენი საყდრის კელაპტრები,  
შემოდგომის ფერდობები, ფერადები,  
ლურჯი  
მთეუ  
ბიიიი.


ვის უხდება, შენაირად ვის უხდება  
გაზაფხულზე კორჩიოტას გაღვიძება,  
ტყემლების და ალუბლების აფეთქება  
ვის  
უხდეუ  
ბაააა.

გიმღერეთო, ყელიც ქე მოგიღერეთო,  
და სიმღერით გული ვერ მოვიჯერეთო,  
სანატრელო, ცრემლებამდე სანატრელო  
იმე  
რეეეე  
თოოოო...



## ემლოერობჷ ჰოლოიჯრჷღს

ანომ ვანის ბაზრობაზე გამატანა უშობელი,  
 ღმერთო, უკან არ გამიშვა პაწე ფულის უშონელი.  
 ჩემმა ბიჭმა მასახელა, ენაცვალოს მაგას მამა,  
 ხოდა ხარჯი გაგვეზდება - ბინის ქირა, ჩაცმა, ჭამა.  
 გეპეიში ჩააბარა, უნა გახთეს დიდი კაცი,  
 პაწა მეც ქე დევისვენებ, რაღა მიჭირს ბოშო აწი.  
 აყალოზე თოხის ბაყუნს შეაბერდა ჩემი ტერი.  
 ახლა შვილი მეყოლება ნასტავლი და იჯინერი.  
 ახალ სახში სამი თვალი ქე მაქ უკვე გამართული.  
 რძალიც მინა ანოსავით შეხედული, აშხვართული.  
 ვერა ქალი დოუდგება მაგის ქორულ გამოხედვას,  
 ხოდა ორი კაპეიკი ჯიბაშიაც უნა ედვას.  
 ვორი დღეა გული მღერის, გევიშალე კაცი მხრებში,  
 ვივლი ულაშდაწკეპილი მოყვრებში და მეზობლებში.  
 ჩემ ანოსაც ხშირათ ნახავთ ძველებურათ მცინარესა...  
 ...  
 ქალო შენი თეთრი კაბა  
 წყალს მიქონდა, მდინარესაა...





## მხიარული სპილო

ცირკში ახლად მოყვანილ  
სპილოს ჰკითხავს მელია  
- შენი ცხვირი ამქვეყნად  
ყველა ცხვირზე გრძელია?  
- გრძელი ცხვირი როდი მაქვს,  
უპასუხა სპილუკამ,  
- ეს პლასტმასის მილია,  
მომაკურა ქირურგმა.  
ინდოეთში მეტწილად  
ჰავა ძალზე ცხელია,  
ჰოდა, გრძელი ცხვირისგან  
მეტი სარგებელია.  
მოკლე ცხვირით სიცხეში  
ზურგის მორწყვა ძნელია,  
და რაც უფრო გრძელია,  
უფრო სასურველია.  
ზოგის ცხვირი შლანგია,  
ზოგის - დიდი გველია,  
ცხვირების დაგრძელების  
წესიც ძველთაძველია.  
ბოლოს, გაოცებული,  
ეუბნება მელია  
სპილოვ, რასაც გვიყვები,  
წარმოუდგენელია!  
ტყუილ-მართლის გარჩევა  
უკვე ისე ძნელია,  
ისიც ვეღარ გავიგე,  
სპილო ხარ თუ მელია.





## მხროს

ზამთარს დაუწუნია შემოდგომის იერი  
და ბარდანი ღრუბელის გაუშლია მარაო,  
ერთ ღამეში მოხატა თეთრი თვალსაწიერი,  
არე-მარე მოამინანქარაო.


გარგაზია ვნებანი, ხშირად უმიზეზონი,  
რარიგ გახუნებულან, ეგეც ჟამის სიავე,  
მახლას, ჩემი ცხოვრების მთელი სამი სეზონი  
როგორ გავანიავე...

ახლა, როცა დამაკვდა თმაზე ვერცხლის ფანტელი,  
და ცხოვრება მაგუებს უხალისო აკორდებს,  
ოცნებებიც მტოვებენ, პეპლად მოფარფატენი,  
აშურებენ სხვა კორდებს.





თბილისური კარები / ტილო, ზეთი / 120 x 100 სმ



## მამაძაღოლი მურჯანის მონოლოგი

დღეს სტუმრები გვეყოლება, ჩემი დათოს კლასელები, დიდი შრომა მელოდება, უნდა დავხვთე ნასვენები. ლუკმას უნდა მოჰოვება გარჯაში და ოფლის ღვრაში, მათი სახე დაგანახვათ, რო ავყობი სიმღერაში, ამ ციგანმა დათოიემ შემიკერა წვანე პლაში, დამეჯიბრონ არტისტები აგრაფინას გაბაძვაში, ორი თათით რო გევიარ, ყელის კოხტათ მოღერებით, იმათ ხარხალს ვიდა ჩივა, დამახჩობენ მოფერებთ, ქათმის ხორციც ქე შემხვთება, პურის ყუაც, მურასაო, თან მეტყვიენ - მურა-მურა, ცხვირი გაგემურა-საო. გოგოები მომდგებიენ, დამიწყებენ ფერდზე ხიციანს, ნეტა მალე მორჩენ, თვარა რა გოუძლებს კუდის ქიციანს, სუ იოლათ მიმიხვთება ვინცხამ ჩვენი ნირი იცის, ჩვენ ხომ ასე გამოვხატავთ ხან სინარულს, ხანდა სიცილს, ხოდა, ვითამ მიხარია, მეც ავყობი, მეტი რა ვქნა? ნამეტურსაც ნუ დამძრახავთ, ვინმეს ღჯოლი ქე რო გავკრა. ჭამა-სმა და ჩქარი ტაში, რა ვინატრო ამის მეტი, გაჭივრებულ ქვეყანაში ვინ დაყეფოს ჩემი ბედი...



## ზინგერი

- უიმე, ამბროსი!  
ზინგერის მაშინა!  
ქე რო მესიზმრება ამდენი ხანია...  
კი, მარა, ამ დროში...  
ფასმა შემაშინა...  
კიბეზე მარტვას რამ ამოგატანია...  
რაფერც გამახარე, ღმერთმა გაგახაროს,  
სიმღერით ავყობი, რო აჩიხჩიხდება,  
პირველად შევკერავ შენს ბორღო ახალუხს,  
თითვანაც ვერ ხვდება, რაფრათ მოგიხდება.  
აწი რამ მადარდოს, ცოტას ქეც გამართობს,  
ჩემი გარდღიროფიც მალე აივსება...  
ლადოს გადაეცი წინიდან დამხატოს,  
თვარა ჩემს საჭაპურს ველარ ეღირსება.





შრომაზა / ტილო, ზეთი / 80 x 70 სმ

## საქმეს ოვირეში ყნაღა რაიო

დიდი ჯიპი დამუხრუჭდა  
- მზია, ვაშლი ხო არ გინდა?  
ვაშლი რა ღირს ქალბატონო? -  
გამოსძახა მანქანიდან.  
- არა, ბიჭს რო ბაჭია ყავს,  
ნახე რაფერ ლამაზია,  
ეგ მიყიდე, გეხვერწები! -  
ეხუტება მამას მზია.  
- რა ღირს ბიჭო ეგ კურდღელი?  
- არა ვყიდი ამას ძია,  
კარქათ უნდა მოვასუქო,  
ჯერ ერთ იჯრად არ ვარგია.  
- მამა, დაკლავს ეგ მუდრეგი -  
აღვარღვალეებს კურცხლებს მზია,  
- მოდი ბიჭო, ათ ლარს მოგცემ!  
- ათი ლარი რა ფასია,  
ვოც ლარათ ქე შეველევი,  
სხვა საქმეც მაქ მისახედი,  
ახლა ჭინჭის საბურჭალო  
ყურდღელი ღირს სამჯენ მეტი.

...  
- რა ბატნები წამევიდენ,  
ვინცხა რაცხას იტყვის კიდე,  
შენ მეხუთე ყურდღელს ყიდი,  
მე ჯერ ვაშლი ვერ გავყიდე.  
წამეშველე, ვერ გევიგე  
მე ამ საქმის ინჩი-ბინჩი,  
თუთხმეტ ლარათ თუ გაყიდი,  
ჩემზე იყოს მაყარიჩი.  
- წაი ცაცა, ვოც მინუჩი  
თუ გავყიდე ეგ კალათი,  
დამახვთერე ხაჭაპური  
და სამზოლა მარმალადი.



## ფიქრისა

მე მიყვარს ფიქრი, ფიქრი მალია, სასურველ ხატებს წამიერ აგნებს, თითქო ციური ნაპერწკალია, გამოაბზინებს სულებს და საგნებს მესხიერების ბნელი სკივრიდან, სად დავიწყების მტვერი ჰფენია ყველაფერს, რაიც ჟრჟოლად მივლიდა და თითქმის აღარ შემორჩენია აღარაფერი ძველი ხიბლიდან, ან ვეღარ ამჩნევს თვალი უხეში...

და უნუგეშო ფიქრი-იფრინდა ამაოდ დაძრწის სიჭაბუკეში...

თუმც, ამ ბერბეცში მაინც კიაფობს ორი უშრეტო სხივი, მაუზნი, და იმნაირად მაფორიაქებს, საკუთარ თავსაც რომ ვერ აუხსნი მიმქრალ ფოტოზე დედის თვალეები რატომ მაგონებს ციმციმს ჩქერისას და დაბინდული მამის სათვალე რად მირჩევნია ლექსის წერისას.

მე მიყვარს ფიქრი...



დედის პორტრეტი / ტილო, ზეთი / 100 x 80 სმ



ზუსტი საათი / ტილო, ზეთი / 80 x 60 სმ

## ღმრო

ფინქ ფლოიდის სიმღერა  
კობა ჭუმბურიძის თარგმანი

წიწიკებენ წამები, მიაქვთ დღე, სევდიანი,  
დრო დაქუცმაცებულა, წვრილმანია მრავალი,  
შენს მშობლიურ ქალაქში წრეზე გიწევს ტრიალი,  
მოლოდინში, რომ ვინმემ მიგანიშნოს სავალი.

ირუჯები, ან კიდევ წვიმას გასცქერ ფანჯრიდან,  
ჯერ კიდევ გიხარია, დრო თუ მალე გაფრინდა,  
ერთ დღესაც კი მიხვდები - ათი წელი გასულა,  
შენ კი ვერ გაიგონე ის სასტარტო გასროლა.

და მზეს გამოენთები, ის კი ზღვაში ვარდება  
მიწას შემოუვლის და შენს უკან აღმოხდება,  
მზე ისევ ისეთია, შენ - ერთი დღით ბერდები,  
სუნთქვამოხშირებული სიკვდილს უახლოვდები.

წლები მოკლდებიან და, ალბათ, დრო არ გეყოფა,  
გეგმაც უსუსურია, ნახევარი ფურცელი,  
შვენის ნამდვილ ინგლისელს მშვიდი უიმედობა,  
სიმღერა დასრულდა და ბევრი დარჩა უთქმელი.

ესეც სახლი,  
დრო თუ არის, გული აქეთ მოიჩქარის.  
რა სჯობს სახლში დაბრუნებას  
ცეცხლზე ძვლების მიფიცებას.  
სადღაც შორს კი, გუგუნ-რეკით,  
მრევლს მოუხმობს ზარი ძველი,  
რომ ისმინონ მუხლმოდრეკით  
ნაუბარი მომნუსხველი.

# ვაგონი წავა და...

(სასიმღერო)

მიხაილ ლვოვსკი

კობა ჭუმბურიძის თარგმანი

ეს მატარებელი შორს მიემგზავრება.  
ვაგონი წავა და ბაქანი დარჩება.  
სადგურის საათი, აგურის კედელი,  
თეთრი ხელმანდილი, თეთრი ხელმანდილი,  
თეთრი ხელმანდილი, მზერა მიბნედილი.

კუპე გაბოლილი მისმენს სულწასული,  
როგორი აწმყო მაქვს, როგორი წარსული,  
დავპენტავ ტყუილებს, გაოცდნენ იქნება,  
ვის დავემშვიდობე, ვის დავემშვიდობე,  
ვის დავემშვიდობე, მათ ვინ ეკითხება.


გულს მიშლის მატროსი, პერანგზოლიანი,  
თუ რარიგ მარტოა, რარიგ დარდიანი,  
დასამშვიდობებლად არც გაისარჯება,  
ვაგონი წავა და ვაგონი წავა და  
ვაგონი წავა და ბაქანი დარჩება.

ვზივარ ფანჯარაზე ლოყამიბჯენილი,  
საზამთროს ქერქი მაქვს ხელში შერჩენილი,  
ჩემნაირ გოგუცას რა დაემართება?  
ვაგონი წავა და ვაგონი წავა და  
ვაგონი წავა და ბაქანი დარჩება.





საკმაზების ქალი / ტილო, ზეთი / 70 x 60 სმ



## სუნელი რა ყიღო რაცხა

- ბოშო, რატო მაჩერდები, რამ დაგასხა ტარაბუა?  
 ნუთუ ჩემი სუნელების სურნელებამ გაგაბრუა?  
 სხვაგან ტყულა არ ეძებო, დღეს სუნელი მე მაქ მარტვა.  
 რატო დგახარ ჩუმათ, ბებო, რა გჭირდება, რა მოგართვა?  
 - რაფერ გითხრათ ქალბატონო, მაგის არა გამეგება,  
 რამე თითვან ამირჩიეთ, სულ ერთია, რაც იქნება.  
 - ბეჩა! ხო არ მეჩვენება? რაცხა უცხოს უნობ შენე,  
 მე კი არსა მეჩქარება, რა გინდოდა გეიხსენე.  
 - გეტყვით, ოღონ არ გამცინოთ, სუ სიკეთე იყოს თქვენდა,  
 იმნაირად შემომხედეთ, რომ უცრად გამახსენდა  
 ღვანკითელი ჩემი ბებო, ბოგვერაძე ტერუზია,  
 ქალი იყო სანაქებო, იმისი დღე შეგვეწია.  
 ხოდა, ახლა მის სახელზე სუნელს გევიყოლებ რამეს.  
 ამ ამბავს რო მოუყობი, დედაჩემიც ისიამებს,  
 - არა შვილო, შენ საკმაზის არაფერი გაგეგება,  
 ოტკა გევიყოლე ბუზის, ეგი უფრო შეგერგება.



## ძილისწირობა

- უი, კილამ დამავიწყდა,  
გეტყვი, თუ არ ჩაგეძინა,  
კანტორაში რო ვიყავი,  
კარპეს ცოლი ვნახე, ზინა.  
აქნობამდე ვერ დალაგდა,  
ტერი იყოს მაგის დღეში,  
ერთი ფეხი როხში აქ და  
ერთი კილო - ვარციხეში.  
- კიე, მისი კარპეც მახსოვს,  
ტვინის კეკა რო უყვარდა,  
ნაობახტში იჯდა ბოლოს,  
სახელიც ქე გოუვარდა.  
- ყველას ავდოკატი იყო,  
თავის ოჯახს ვერ მიხედა,  
რას გადარჩი, ხელის თხონა  
შენ ქე რო ვერ გაგიბედა...  
- სხვა რა მახსოვს, პაწა ხანი  
დააბრუნა ის დრო ნეტა...  
მისი და თუ გახსოვს შენე,  
ენით წარბს რო ისტორებდა?  
- კი, დაც ყავდა, „იმნაირი“,  
არაფრისი არ ცხვენოდა,  
ზესტაფონში ვინცხა კაცებს  
სულ ფოდრუჩქით დაყვებოდა.  
სხვაფრივ ვერ დეიწუნებდი,  
ქალი იყო საარაკო...  
- მახსოვს, მახსოვს, მის კაცებში  
შენც ერიე, მადვალაკო.  
ბეჩა! რაფრა გეიკვირვე!  
რას მიკუსავ ჩხაკა თვალებს!  
ეჰ, რაც იყო, სიზმარია...  
ჩამიხუტე,  
მაკანკალეებს...





საქივო სამზადისი / ტილო, ზეთი / 100 x 90 სმ




## სამოლოპირიყბა

- გაგიმარჯოს გურია, შენც სალამი, დაია, საით გაგიწევიათ, ხო კაი ანბავია?
- გაგიმარჯოს ტასია, დასამალი რაია, ქუთეიში მივდივართ, გვითხოვდება მაია.
- ბეჩა, რას მეუნები, რაცა ხანი გასულააა... ახლა რა ხნის იქნება? სკოლა ხო დაასრულა?
- სკოლის მერე ბულალტრის კურსებზეც ქე ისწავლა,
- სწავლას ახლა ფასი აქვს, იმედია წინ წავა.
- ბიჭიც კაი გამოდგა, არ ეშლება კაცობა, სმა არ ნაყვარება და არც პაპიროზს ნაწოვა. თურმე ძრიელ აფასებს მთელი ავტოქარხანა, ცენტრში დიდი ბინა აქ, თითვან ცხოვრობს მარტვანა.
- მარ-ტვა-ნააა?!



## ადამიანის თქმული

ასე ყვავილობს ალუბლის ტოტიც,  
ვიდრე განძარცვავს მირკანის ქარი...  
ჩამქრალ ოცნებებს ნეტავი როდის  
წაიღებს სხვასთან წასული ქმარი.  
ამ მარტოობას ვერასდროს გაბრის  
წუწვი კაცების ლაქუცი, ქლესა,  
შხაპქვეშ დიღინი დამცხრალი  
მამრის და შურიანი ქალების მრეზა.





პაღაბოზი / ტილო, ზეთი / 100 x 50 სმ

## თქნები... რაწრები...

ამას რავა ვიფიქრებდი,  
აქნამდი თუ მევიდოდი,  
ჩემს დათუნას შევეცოდე,  
ამ წიგნებს რო დავტიროდი.  
გულს მიკეთებს, მეუბნება,  
ენაცვალოს ობოლს ბებო,  
- გავიზრდები და წიგნების  
დიდ კარადას გაჩუქებო.  
ბაზრობაზე საშა ვნახე,  
ქე რო მეკურკურებოდა.  
აროუშავს პირი-სახე,  
ერთხანობა მეც მომწონდა,  
მივალ, მივეთილმიტები,  
გასაყიდად რო დამიდოს,  
ყოლიფერი ეყიდება,  
იქნებ ესეც გამიყიდოს,  
მერე ცაცას სამკაულებს  
შეველევი თითო-თითოს,  
შრალ ამიდებს ველოდები,  
იქნებ გამოიამიდოს,  
ახლა მალე ვითოშები.  
მუშტარი რო მოხშირდება,  
საცხა მეც ჩევეკვეხები,  
თუმცა ძრიელ მერცხვინება.



## ბების წითელი გოგო იყო

დაცვრიანებს ქალი ანა,  
თვალეები აქვს ჩინჩხლით სამსე,  
ჩითის კაბა, კოპლიანი,  
გადავიდა სელის სკამზე.

ხვალ საღამოს რა მოხდება,  
ბურღლავს იმის გაფიქრება,  
ნაკვერცხლიან უთოს იქნევს  
და ოცნებობს - რა იქნება

გოუშვებდეს ადრე მიშა,  
ამხანაგი ჭიჭინაძე,  
ბუჭუტიამ დაპაიჟა  
ახალ ფილმზე - „ჭრიჭინაზე“.





ბობონა ბუბით / ტილო, ზეთი / 60 x 40 სმ



## დიდი წითელი ბუბტი

ლამაზი მყავდა ბაბუ, ძრიელ მოწონდათ ქალებს,  
ერთი, მეზობლის ცაბუ, თლა უკლუკავდა თვალებს.  
გუშინდელივით მახსოვს რო წამიყვანა პარკში,  
დურცნი, სიცოცხლით სამსე და ცხვირკოსოპა ბავშვი  
და მეტირება მუდამ, რო მახსენდება ის დრო,  
კბილიწეპია ნუგა და ლიმონათი „სიტრო“.  
წინა კიჭი რო მომძვრა და შევიქენი კუბტი,  
მის მაგიორში მომცა დიდი, წითელი ბუბტი.  
კარუსელაზეც დამსვა, წინ მიმიძლოდენ მგლები,  
რო დაბზრიალდა ნავსად, თან გაიყოლა წლები,  
დროება საოცნებო...  
რა გაიხსენებს ამდენს...  
აწი თითვან ვარ ბებო, კუდში ნაგრამი დამდევს.  
წარსულში დარჩა ბაბუ და მოსაგონი, უშტი,  
ყმაწვილქალობაც ფაფუუუ,  
დიდი, წითელი ბუბტი...



## ჰაყუნია

დღეს ექიმმა მოგვახარა ფეხძიმობა ჩინებული,  
ერთ კვირაში გასაჩენად ხარო მოჩაჩინებული.  
მე ჯერ ბოვში მეგონა და რაფრათ დამქალებიაო,  
შენ ნურაფრის გეშინია, აქანა ვარ ბებიაო.

ახლა უნდა გამევიბა ასი ყური, ასი თვალი,  
კიდე რო არ მეუზუტოს ის პუნჯი ნასიძვარი.  
ფეხძიმეს რო მიატოვებ, რა კაცი ხარ, რა მაქნისი,  
შერიგება ნანდომარა, სინსილა რო გასწყვა მისი.  
ნეტა აღარ დამანახვა პაკუნიას ახლო-მახლო,  
ვის რად უნდა ის მუჩუჩი, უპირო და ურიხრახო.  
მეიკითხოს დედამისმა ვინ დოუდით ნონას დარი.

მადრიელი ვარ უფალო  
შვილთაშვილს რო მომასტარი.





საქანდჰანდი / ტილო, ზეთი / 100 x 80 სმ



## შიზლოცი


იეფი მაღაზიაა, იხარებს ამის მამგონი,  
ყოლიფერს რავა გაწვდები კაი ხელფასის არმქონი.  
რამხელა საღავათია, ამევსუნთქე პაწია,  
გამილამაზდა ფაცია, სულ ნაირფერი აცვია,  
დავყობი იარმუკაზე, სანამდი ჯიბა მიწვტება,  
არც მე მაწყენდა შიბლეტი, აწი მალიმალ მიცვდება,  
მესამე წყვილი მოვსპევი, რაც გამიფუჭდა მანქანა,  
ნახმარი კაცის ტუფლებიც იქნება ქონდეთ აქანა.






## ცრემლი, ფიქრი და...

როგორ გელოდი, მაგრამ არც ახლა  
ეწერა თურმე იმედს ახდენა,  
თუმცა ძნელია ჩემი წახდენა,  
რადგან ლოდინით არ ვიცი დადლა...  
ეს შემოდგომაც უშენოდ წავა,  
გზად ღრუბლის ფთილებს  
წვიმებად დართავს  
და ჩემთან ერთად დახვდება ზამთარს  
ცრემლი, ფიქრი და ფინჯანი ყავა...





თბილისი ევროპა / ტილო, ზეთი / 65 x 200 სმ



## მსჯობელი

ჯოყოეთში ჩამომდგარა,  
 შორაპანშიც ხალხი უცდის,  
 როის წაკოკიალდება,  
 ლადოს გარდა არც ვინ უწყის.  
 რუზრუზი და ფუსფუსია,  
 გავა ალბათ, საცა არი,  
 უკანასკნელ დარიგებას  
 მოთმინებით ისმენს ქმარი:  
 - მე ქიშმირის შალი მინდა  
 და სათვალე დიდი ზომის,  
 შევროს ჩექმა მიხაკოს და  
 ცაცას - ქოში ტარსიკონის.  
 - ნუ ბჟუტურობ, შევროს ჩექმას  
 ასე უცეფ ვინ იშონის?  
 - ხო, ზინგერის ნევისი მინდა  
 და საკაბე კრევიდიშონის.  
 ფოლაქებიც მევიითხე,  
 კაბას რო აქ ბუჭუს ცოლის,  
 ინდისხურმაც წამეილე,

იეფათ თუ აგიწონის.  
 ღუმები და გულაფკები  
 და თუ მოგია ცოტა ფული,  
 ლაკის შავი ტუფლი მინდა,  
 ლაკის შავი რედუული,  
 სავლეს ყალიონი უნდა,  
 არ დავჩაგროთ მწვევლები,  
 პატეფონს თუ ჩამეიტან,  
 ამათ ყველას შეველევი.  
 - მე ფერადი ფანქრები და  
 კილო ბევ რი შაქარლამა,  
 დეიწერე, თუ არ გახსოვს!  
 - მახსოვს, გენაცვალოსთ მამა...  
 ...  
 ამ დროს შამა კონდუქტორმა,  
 კვაჭიჭა სხალს ქე რო ჭამდა,  
 მემანქანეს გადაკივლა  
 - წაი აწი! დავგვადამდა!..



## გახსოვს?

ბირბილა ბუნართან ბუტბუტებს ბებია, მოგონებებია მისი მეგზურები.  
ამჯერად ნეტავი რა გახსენებია, თავისთავს ღიმილით რომ ეზუზუნება:  
... თუ გახსოვს, პირველად ქე რო გაგიცინა? მაგულის ქორწილში რო  
გამოგეცეკვა? შენ კოპლებიანი კაბა რო გეცვა და მას ლურჯი ხალათი რო  
შემოტკეცოდა.

კინოში თვალი რო ვეღარ მოგაცილა? გიყურა, ბოლოს კი სიმორცხვემ უმტყუნა,  
გაბედა, სახლამდეც ქე გამოგაცილა და – გამომყვებიო? – რო ჩეიბურტყუნა...

ხუთი თვე... მერე კი, ხრიწინა რადიომ გვაუწყა ომი და ბელადის მიმართვა...

– წეველი აწი და ბოვშს მიმიხედუო... – მუცელზე გაკოცა და გადეიკარქა.

ბიჭი გყავს, რა ბიჭი, ანახვა ნეტავი, რაფერ დეიმგვანა, თხელი, ასხლეტილი,  
მასავით ფერვანი და შესახედავი, მასავით კვიმატი, ფიცხი და კეთილი.

ჩამოვა საცაა, ქალაქში წამიყვანს, კაკოლის ვუტოვებ ბურვაკს და საქონელს,  
რას ვიზამ, არადა ქალაქი არ მიყვარს, აქ სუყოლიფერი ლეუმას მაგონებს.

ბეჩა, წელს ძალიან ადრე ჩამოთოვა, თლა სუდარასავით წამოუხურია. აქნამდე  
კაი ხანს ვერავინ ამოვა, ახლა ხმის გამცემი მარტვა ბუნარია და ზედ გაწოლილი  
კუსკუსა ჭინკები, სიკვდილის ხმაზე რომ რაღაც უხარიათ...

რა საწუხარია...





ორთქლბავალი / ტილო, ზეთი / 60 x 80 სმ



## სოფლისეყენ

მატარებლით მიჰქრიან და  
გაგა ამბობს - გახსოვს გუგა...  
ბორბლები კი არ აცდიან  
- გაგა-გუგა! გაგა-გუგა!

- ძალი რომ გამოგვიდგა და  
გული აგვიბაგაბუგა?  
ბორბლები კი ხმურობენ  
- ბაგა-ბუგა! ბაგა-ბუგა!

- გახსოვს ბაბუმ მდინარე რომ  
საბანაოდ დაგვიგუბა?  
ბორბლები კი კვერს უკრავენ  
- დაგვი-გუბა! დაგვი-გუბა!

შვილიშვილებს მოელიან  
რეზო ბაბუ, ნატო ბებო,  
ბორბლები კი იჩქარიან  
- ბაბუ-ბებო, ბაბუ-ბებო.

## თორცესნიჲ ჰიანო

ღლიცინობენ დამკვრელები,  
დარჩენილი უცოლშვილოდ:

- სხვის ქორწილში რო  
ვყურყუტობთ,  
ჩვენ როისდა ვიქორწინოთ.  
ამნაირი პატარძალი  
თითო ცალი ჩვენც ხო გვინდა?

- ნეტა ნეფე რა ხნის არი,  
ი ქოჩორი რო გაცვინდა.

- მეც ეგ მადგა ენის წვერზე,  
ერთი წამით დამასტარი.  
დედაჩემი მაგრათ მოტყდა,  
დედაშენი რაფრათ არი?

- ეჰ, სიბერეს რა უთხარი,  
რო ვუყურებ, მეტირება,  
მისუმისოდ მარტვა ვრჩები,  
მართლა ყოფა მეტირება.  
მამაშენი?

- ჯერ ყვეჩადობს,  
ვენახშიც ქე მეშველება,  
მას რო რამე მოუვიდოს,  
ან მე რაღა მეშველება.

- ეს რა საქმე დევიჩემეთ,  
სუ სუფრაზე ჟღომა გვიწევს.  
გეიხედუ, თვალი გიჭრის,  
მგონი ცეკვა უნდა სიძეს.

- ჰე, ჩაბერე,

- შენ გაწელე!


- შენებურად მოსცხე ზაურ!

დაფ-ტაუ-ტამ!

დრუფ-ტაუ-ტამ!

დიმფიტაურ! დამფიტაურ!





ფაქვილის ბაზარი / ტილო, ზეთი / 80 x 60 სმ



## ქაღალის ჯიქილი, იულისას გამცხეიცილო

ფარცხანაყანების ქვილი,  
შაქარივით არის ტკბილი,  
ბაგრატის წყლის წისქვილზე  
დაფქული და დაღერდილი.

ჭადი კეცზე თუ დაბრაწე,  
მისი მუღობი დამანახვე,  
გინდ ტყემალში ამოგნაწე.  
გინდ ბაჟეში უტლიაღვე.

უზოყურე გვენატრება.  
აღდომამდე არ გვანვალოთ,  
ხელი მალე დაგვიცაღეთ,  
იულია გენაცვალოთ.



## ბელოზოვის ნახატი

- კესარია, ამისხენი, რას ჩამოდის ცრემლი ცხარი?  
რა უთხარი ამისთანა, რო აღინე ცხვირში ძმარი.
- აქანა რო დაფოთარობს, დელია ეზო-კარი?  
ნაშოვარი მაინც გაყოს, თუა ჩვენი მეგობარი.
- მეც ძალიან მეზარება ამნაირი ფოჭუშები,  
თვარა კი არ მენანება ნამცეცები და ბუშები.  
შეხე, რაფრა იბღუშება, ჩვენ გვამგუნებს აქით კილო,
- მაცა, რაცხას მოგიყობი, ძან უნდა გახითხითო.  
ასე მიუპაიჯებლათ მიცუცქულა მართას კართან,  
გამეენტო თურმე მართა, კინკრიხოში უნისკარტა.  
ჯერ შენიშვნა ვაყოფინე, ისე, მგონი კია ახი,  
ჩუმაღ წამეუპარო და დოუკეკო კოკორახი.  
მე ნევრები დამადლიტა, თითვან ზუის საცოდავათ.  
წახთა ხალხი, მარგალიტა, გათახსირდა ნამეტნავად.
- ისე, გული ქე დამეწვა, ვინ იგუებს ახლო-მახლოთ.
- მიდი, დეელაპარიკე, ზაფხულამდე ჩევსახლოთ...





## „ზინგერ“, ახალ მომლოცველი

- მამიდუკას ვენაცვალე,  
 სარაფანი მინდა წვანე,  
 აგერ, ნახე, ღილები და  
 მატურია მოგიტანე.  
 - სარაფანი გირჩევნია?  
 სტორს ქე უნობ, ძაან დაცხა,  
 მეიცადე, სამაგისო  
 თარგიც უნდა მქონდეს საცხა.  
 ზორტიც გინდა თუ კოკეტკა?  
 ორივეც ქე მოგიხთება,  
 - წელზე კოხტათ რო  
 მომადგეს,  
 ვიტჩქები დაჭირდება.  
 პეტლი თეთრი გოუკეთე,  
 ფოლაქების შესაფერად.  
 პლისეს ზბორი მირჩევნია,  
 იოლია მოსავლელათ.  
 - მატურიას სინათლეს  
 გამახედე, ხო არ ლანდავს,  
 პაწა ხანი ჩამოჯექი,  
 მოგაზომავ დანალამბავს.  
 გვირისტიც და აველუკიც


სადამომდე მზათ იქნება,  
 მაგ შენ წვანე ბასანოჭებს  
 ნამეტანი დაშვენდება.  
 ტისომები კრუჯაოთი,  
 ეგეც შენი სარაფანი,  
 გეივლი და გადმოყვლიჩავს  
 თვალებს მთელი შორაპანი.  
 ღუნიაზე არსით დადის  
 ჩვენნაირი გოგონები.  
 აწი წაი, თმას მიხედე,  
 დეიკრუნე ლოკონები.  
 ოღონ ფულის შემოდღევის  
 არ გაბედო გაფიქრება,  
 მაქოს კოჭა მაპოვნიე,  
 ლამპა რო დგას, მაქ იქნება.  
 ჰე, ზინგერო, მოგიმღერო  
 ჩვენებური ჰანგი ძველი?  
 - ჩიხ-ჩიხ-ჩიხ-ჩიხ  
 ჩიხ-ჩიხ-ჩიხ-ჩიხ!  
 - შორი გზიდან სატრფოს  
 ველი...





## ვიღს ყითხყოობს წ'იგნებს

- გერვასი, ბოშებს ხედავ!  
 - აბა მაჩვინე, სანა?  
 - ეგერ გადაღმა სერზე  
 ფორანი ქე რო ღგანა.  
 არც გიტარის ხმა გესმის?  
 არც ი ქალი რო კივა?  
 შეხე! ვინცაღა მურთხმა  
 კაკოს მოპარა თივა!  
 - გაღვირე ბოშო?!  
 ბოშებს უძახი მაგნებს?!  
 თუმცა, ახლანდელ დროში  
 სტორ სიტყვას ვიღა აგნებს.  
 ცოდნა შენცხვირწინ ღვია,  
 თუ გადაფურცლავ წიგნებს...  
 ბოში პატარას ქვია,  
 დიდებს ვუძახით - ციგნებს!..  
 ბჯოს!





ბარახოლკა / ტილო, ზეთი / 70 x 200 სმ



## მურალო ბილი

ბაზრობაზე თუ ჩაივლი, შეგეძენინება რამე,  
ან კიტელი, ან სათბურა, ან ნამგალი, ან მაკრამე,  
ფანდური და ზანდუკი და რადიოლა „მურომეცი“,  
ზინგერს, თექას და საინებს შერჩენიათ ძველი პეწი,  
გიტარა და ვიოლინო, დაირა და ჰელიკონი,  
ბოთლი, კეცი, ყავარჯენი, პატეფონი, გრამოფონი,  
სარკე, ცანდი და მათარა, პრიმუსი და ირმის რქები,  
საათები, ჩარჩოები, ხანჯლები და დამბაჩები,  
ყანწები და სელის სკამი, სასწორი და კაჟის თოფი,  
ხმალი, ნალი, ბირდაპირი, არყის ქვაბი, ღვინის შტოფი,  
ლამპები და მოკალული თუნგები და ხელალები,  
ყაითნები, ჩაიდნები, დახატული ბელალები.  
შენ დაუკა, არდანჩიკო, ძველებური გაახურე!  
- არ მაგცივდეს ბაარაშკა-ჯან,  
ზამთრის შაჰკა დააიხურეე...





## ზღირაობა

- ამ რქით, ჩემო სევარიონ,  
ვადღინძელოთ ჩვენი პერი,  
ამ კუთხეში ვერსა ნახო  
ძადლი, მისი შესაფერი.  
რა ნაბული, რა იერი,  
რა ალღო და მოხერხება,  
რაც მე ენად გევიკრიფე,  
ერთი ლეკვი ხო მერგება?  
- მას რო კითხო, იმ უჯიშოს  
დეისვამდა დღესვე ცოლად,  
კაი გოგო უშონე და  
მონაგარი გავყოთ ტოლად.  
ჯეკაც ჩემი გაზდილია,  
მარა პერის ვერ ედრება.  
- ხუთ თუმანში დამითმეო -  
მერაბიჩი მევედრება.  
- რაც სტორია, იმას ვუნობ,  
თუმც ჯეკასიც მეხათრება,  
ჯეკა, ხო არ დამენდურე?  
- არა! რავა გეკადრება!..





ადგომა / ტილო, ზეთი / 90 x 50 სმ


## სოციალურ იმერეთში


- ქრისტე აღდგა ერმონია!
- ჭეშმარიტად, ჩემო ლიზა!
- კილო ხო არ მებუტები შენი შუქრის გულობიზა?
- კაი აწი, ლიზავეტა, ეგ ამბები რა დროსია, აღარც ჩემი შუქრია და აღარც შენი ამბროსია.
- აფსუს, ჩვენი სიყმაწვილე, რა უეცრად ჩამოვბერდით, კანტორამდე გადარბენას ათ მინუტს არ ვანდომებდით.
- ახლა ძახლის სანახავათ მივლინდილოფ საცოდავათ, პასკა მაინ მოუკითხო, დაუძღურდა ნამეტნავათ. ამ ბოვშებსაც ვერ ვამტყუნებ, გადაკარქულს ქვეყნის კიდეს, აქით რაფრა ჩამევიდონ, ჯერ ფეხი ვერ მეიკიდეს.
- კიდე კაი, აქოური ქალი მაინ მეიყვანა...
- ტელეფონით ქე რეკავენ, თან შით ყოლიფერი ჩანა. შვილიშვილი დამანახვეს, შუქრის დამგვანებიაო. დმერთო, ისე ნუ წამიყვან, არ გეიცნოს ბებიაო.
- ქუთეიში დასარეკათ ჩხარში ქე რო გადავრბოდით, მაშვინ რას წარმევიდგენდი, ამას თუ მევესწრებოდით.
- ეგ თქვი შენე, უცნაურ და უბედურ დროს დევიბადეთ, კოლექტივის გადამკიდე წელში ვეღარ გევიმართეთ.
- სუ უკუდმა გვარონიეს, ყველს გვითვლიდნენ თითო წველას...
- კილო ლენინს მიტირიენ, ძაღმა აფსა იმ თხაწვერას.
- ხოდა ახლა შვილებს უწევთ ლუკმის შონა ქვეყნის გაღმა.
- აროუშავს, ჩვენი ბედიც მობრუნდება მალე წაღმა.
- კიე, რაცხას ალბათ ჩვენც ქე მევესწრებით, მე მგონია.
- ქრისტე აღდგა ჩემო ლიზა,
- ჭეშმარიტათ, ერმონია.



## ლოჯაოს ქრელოი სიზმრები

- ბოშო, შენ რომელი ხარ?  
რაცხატომ ვერ გიცანი,  
თლა აქოურს არ გავხარ...  
- ციცარი ვარ, ციცარი.  
უი, კი გამეგონე,  
თუმც არ მყავდი ნახული.  
შავ-შავი რო მეგონე,  
შენ ჭრელათ ხარ ჩაცმული.  
- ეჰ, მე ვინ მეკითხება,  
დაგვიბრიყვეს ციცრები,  
ისე, მგონი მიხლება  
ლადოს ჭრელი სიზმრები.





ბოშა / ტილო, ზეთი / 80 x 75 სმ

## ციგნის ჯალი ყოციახნი

მასსოვს, როცა მუხუთეში გადევედით მე და ნანა,  
სუ ხუთები გამოგვყვა და მამამ ცირკში წაგვიყვანა.  
სანამ შიგნი შევიდოდით, მოდგა სამი ციგნის ქალი,  
უცხო საბურჭალოებით აგვიჭრელეს ბოვშებს თვალი,  
მამას ჩვენი თვალისწყეტა ქე დოუჯდა კაი ფასი,  
ვაყიდიეთ საპიპინო, სატკაცუნო და მომპასი,  
კიდო ჟატის ქახალდისგან შენაწეპი გარმოშეპი,  
ესკიმო და სტაქანჩიკი, ნუგა, ბამბის მაროჟნები,  
ერთი მუჭი პედრო კევი, ბატიბუტი - ვორჯენ მეტი,  
ლიმონათი კრუმონი და ხაჭაპური ოთკუთხედი,  
ფერადი წყლით ამსებული შუშის მილი, დაგრეხილი,  
გძელი თეთრი კაფენტები, წითლათ როა დაზოლილი,  
ვაყიდიეთ ჭრელი ბურთი, გამომბული რიზინაზე,  
კიდო ისი, თებზები რო ძიგძიგობენ წვრილ სინაზე.  
ერთ ქალს წვანე ჩიტი ყავდა, იმითი მარჩიელობდა,  
მიმკითხავა ჩემი ცოლი რანეირი იქნებოდა.  
ჩიტი რაფრა ირჯებოდა, რო ვიხსენეფ, ახლაც მიკვირს,  
თან ბორია ერქვა, რავარც მასტავლებელს ბოტანიკის.

...

ტექნიკუმში რო ვსტავლობდი, იქ ვიპოვე ჩემი მზია,  
ბორიამ რო მიმკითხავა, იმნაირი ლამაზია.  
მართლა ქერა თმები აქ და თაფლისფერი თვალებიო,  
ჭკვიერია, შნოიერი, მაგას ვეხვანხვალებიო.  
ამკვირია ჯვარსაც ვიფსკვნით, ავაფუვლებთ ჩვენ კერასო,  
ბოშიებსაც შემევისევთ, ბუთქუჩას და გენძერასო.  
ყველა შემოგვჩერებია, იძახიენ - ფერი ფერსო...

...

ციგნის ქალო, კუდიანო, რაფრა მიხვთი ყოლიფერსო.

## გარბის ცხოვრება...


- ყავ-ყავ-ყავ-ყავ! ყურ-ყურ!  
- ჰამ-ჰამ!  
აწი ნახე რასაც გიზავ,  
გამასტარი აქიდან,  
თვარა ბარკალს აგადღლიზავ!  
- გიგიმარჯოს სახლიკაცო,  
მინოურსაც მასთე ხვთები?  
სუ გაძაღლდი მურიკელა?  
მეიძულე ძმა-ბიჭები?  
- კაი გამარჯობა შენი!  
რომელი ხარ, სიდოური?  
- რა გჭირს ბოშო, ვერ მიცანი?  
ფხორიკო ვარ, ინდოური!  
- ინდოურებს ქე ვცნობ, მარა,  
შენ ვინ ხარ და სიდან მოდი?  
- მე ვარ ბუჯო! ქუკობაში  
სკლინტას ქე რო მიძახოდი?  
- უი! სკლინტა, ნუ დამძრახავ,  
რო გიყუფე წახან ავათ,  
რას გიცნობდი, ამ სამ თვეში  
გამოცვლილხარ ნამეტნავათ.  
- უჰ, გასულა რაცახანი,  
რაფრა გარბის ეს ოხერი...  
- აჰა! კიღამ არ დაგბდღვენი  
მოყვარე და მეზობელი...  
...  
დრო თავისას ერეკება,  
მიჭენაობს, რაფრაც რაში.  
გაგიშვება ეს ცხოვრება  
სამჯერ დაყავყავებაში...







უყვარს თუ არ უყვარს / ტილო, ზეთი / 70 x 80 სმ



## გვირილას რას ყვლობი

ეჰ! მოხთა მოსახთენი...  
 ქე რო წიფდა კარქახანი,  
 ვისთვინ - გულის მოსალხენი,  
 ვისთვინ - ენის დასაფხანი.  
 აწი? აწი რალა გინდა?  
 პაწა ხანი ველარც სვთეზი,  
 რომ ვარვალა მეცხრე ციდან  
 ცივ მიწაზე ენარცხეზი...  
 ეგერ გორავს წენწი კაცი  
 ჯერ არ ისმის მისგან წკლუმე,  
 ქალს შეყურებს, კედაროზე  
 მიაყინა მზერა უმი.  
 აპლაკუნებს ყალიონს და...  
 ყვავილს ფურცქენის ქალი კოსტა...  
 ...  
 ეჰ, გვირილა რას გიშველის,  
 მოსახთენი თუკი მოხთა...

## ოზდაშვიდი

- შეხე! ისე ჩამიარა,  
გამარჯობაც არ უთქვია...  
აროუშავს, ნამეტნავად  
გული არც მე დამთუთქვია.  
იქნებ, განში რო გევედი,  
ამის გამო დამიწუნა...  
მე თუ ძრიელ მევიმატე,  
თითვანაც ქე გაქუცულა.  
მაცა პაწა, ჩამომავდეს  
ერთი ოზდაშვიდი კილო...  
ნიკურიხის ქალი მოკვტეს,  
შენ თუ ჩემზე გაქირქილო,  
უი, თითქოს გეიგონა,  
ვინცახასგან რო გამგუნდა,  
მაშინათვე გამიხსენა,  
შეჩერდა და შემობრუნდა,  
...  
- კესარია, ბოშო, შენ ხარ?  
კილამ თვალმა შემარცხვინა,  
რაფრა ჩაფუნთორუშებულხარ  
ჩემი გულის კვარახჭინა!..





სალოცავთან / ტილო, ზეთი / 100 x 60 სმ

## ამნების

ღმერთო ჩემო, დიდებულო,  
შენი ნებით რა არ ხდება,  
თურმე, გულით თუ ლოცულობ,  
ყველა ნატვრა აგისთება.  
ხოდა, სერიალი გახსოვს,  
ხუანს როზა რო უყვარდა?  
თავში რაცხა ქე რო ჩაცხეს,  
ამნეზია დეემართა.  
იმის მერე კაი ხანი  
გაქსუვდა და გაუცხოვდა,  
არ ახსოვდა მისიანი,  
არც სახკარი არ ახსოვდა.  
იმ დღეს უცფათ ფიქრმა გამკრა,  
კილამ ამომაგჯა გული,  
ჩემი ალექსანდრე როა  
უგზოუკვლოდ დაკარქული,  
იქნებ კანტუზიის მერე  
ამნეზია დეემართა,  
გერმანელი ქალი ნახა  
და ახლა ის მოუყვარდა.  
ბევრი საქმე ქე გაქ, მარა,  
მისაშველე, თავს გაფიცებ,  
შუქრუთი რო გაახსენდეს  
და მათიკო ჩაჩანიძე...



## საყონცულოს თიქრობი

დედა, ბიჭო, რას გადავრჩი,  
შევატყვე, რო ველარ უჭერ,  
კილამ შევრცხვი და შარვალში  
ლამზირას წინ ჩევიფუჭე.  
ქაღალდიც ვერ ჩევიფუჭე,  
ისე გამაფაღარათა,  
დეილოცოს, ამ ახლოში  
ფეხსალაგი ვინც გამართა.  
უჰ, რა სუფრა გამიცდება,  
იმნაირი, მე რო მიყვარს,  
ნეტა რა მექორწილება,  
ახლა ჩხარში რა ჩამიყვანს,  
ეს რა სნაკვი დამეტაკა,  
რა ქეიფი ჩამამხამა,  
შენ გაგისცდა კვეუო ფაშვი,  
ის პერაშვი რამ გაჭამა...





შავპარაბული სპილო / ტილო, ზეთი / 100 x 90 სმ

## სიყვარულის ხსენა ზოოლოგიურ ჰაერში

დღეს მინდა გითხრა,  
რაც ჯერ არ მითქვამს,  
თეთრო და ნაზო ამ გვირილაზე,  
შენ არავინ გგავს,  
სულ თვალწინ მიდგას  
შენი ფერი და შენი სინაზე,  
დაგინახე და გამომიდარდა,  
ქალავ, შობილო ჩემი ნეკნიდან.  
მე ხომ ჯერ კიდევ მაშინ მიყვარდი,  
ვიდრე გამრიგე მდედრებს შექმნიდა,  
განგებამ ჩვენი შერწყმა ინება  
და მეც, იცოდე, არ მოგეშვები,  
ხოლო თუ ვინმე შემეცილება,  
შეუხიციანებს ჩემი ეშვები.  
გაზაფხულისპირს დავქორწინდებით  
და ვერა ძალა ხელს ვერ შეგვიშლის,  
ჩვენ დავწყვილდებით!  
ჰო, დავწყვილდებით  
სპილოთა მოდგმის  
გადარჩენისთვის!..



## ბით-ბით-ყის-ყის!

- დღეს ხო იცი რა გევიგე, ცუცამ მეიტანა ჭორი, ოღონ არსა არ წამოქცეთეს, იქნებ არც ქე არი სტორი... მაგულისთან შეპარული დოუნახავს ლოლას კუნა. ახლობლობენ ვითამ, მარა, ლოლამ პირი არ დამუნა. უკაცო და შურიანი ქალის ენა რას არ იტყვის... ჰი-ჰი-ჰი-ჰი!
- კის-კის-კის-კის!
- აღარავინ მეირიდეს, ატეხესო დრაგა-დრუგი. კვნესა რატო ისმოდაო, შეუკვეთა სვიტრი თუკი?
- კის-კის-კის-კის!
- ფხუკი-ფხუკი!
- ახი კია მაგულიზე, მასაც ქე აქ ენა გლახა. მისი კვნესა მაშინ ნახე, კუნას ცოლმა თუ გალახა... კის-კის-კის-კის!
- ვა-ნა-ნა-ნა!






მონადირე / ტილო, ზეთი / 100 x 50 სმ

## მიჩიქოს და მურყიქოს

- ესეც ასთე, ყოჩად მე და  
ყოჩად, ჩემო მურიქელა,  
აწი დროა რო დევიძრათ  
ქალაქისკენ ნელა-ნელა,  
რა ჯობია ნადირობას,  
შემოგნატრის კაცი ყველა,  
ჩემ ასაკში რამდენს შერჩა  
სიმაღლხაზე ამსიხელა.  
მადაც კაი, ქე შევსმუსნე  
ყველი, ნახევარი წველა,  
კაი „იჟიც“ მინდა აწი,  
„ტოზი“ ჟანგმა დამიძველა.  
ჟანგმა „ტოზი“,  
„ტოზმა“ წყერი,  
წყერმა ქერი,  
ქერმა სერი...  
შინისაკენ ჰერი-ჰერი,  
შენც მითხარი მისამღერი.  
ნანადირევს აროუშავს,  
რაცხა შენც ქე გადმოგჩება...  
- ხორცი შენ არ გეიმეტო,  
ისემც ცხვირი გიცხონდება.



ბამბაპრება / ტილო, ზეთი / 80 x 60 სმ



## ყდიპლომე სსნიძე

საშიშოა ამ ქალაქში  
უპატრონოდ გოგოს გავლა,  
სასტავლებლად გამოვუშვი,  
ქე უყურებთ რაც ისტავლა.  
ქორწილამდე პაჩი-პუჩი  
იმიტო არ შეიძლება,  
თვარა, კაცი თუ ატროცდა,  
წინ რა ძალა დოუდგება.  
მუცელი რო ვერ დამალა,  
მაშვინ გოუმხილა დედას.  
ბიჭი ჯარში წეიყვანეს,  
ორი წელი ვერ მოხედავს.  
რა გოუძლებს იქნობამდე  
აგრაფინას ენის სარსალს,  
ეს რა შარში გევეხვით,  
ჭირი ეცა ჩემ დამთარსავს...





*„წაყვრილი წარუყვრილი,  
ღერას ჩამოღერის სოფლოღერას“*

ეს ბარათი, პანაწინა,  
კარზე გამოკიდებული,  
უდიდესი მისტერიის  
ნიმუშია დიდებული.  
იმის, რასაც ვერ გამოთქვამს  
ოქროპირთა მთელი დასი,  
არაფერი კაცის მოდგმას  
რომ არა აქვს მისი ფასი.  
გრძნობის, რაიც არ ხუნდება,  
სინათლეა, თუ ღმერთია,  
უყურებ და გული თბება  
და, ვინ არის, სულ ერთია,  
ქალია თუ ქედანია,  
ნაგაზი თუ მურა დათვი,  
ყველას, ვისაც დედა ჰქვია,  
ეფერება ეს ბარათი.





ფარშავანი / ტილო, ზეთი / 110 x 100 სმ



## იმერეთი

არ გეგონოთ ფარშავანი,  
მე გახლავართ იმერეთი,  
ვერ მერევა ეშმა, ცლანგი,  
მეფერება ვინემ ღმერთი,  
სავანე ვარ სულთა შვების  
და შვილების, გასაბაძის,  
ჩემ დახატვას რას უშველის  
ფუნჯი გინდაც კაკაბაძის.  
თუმც სადღაა ძველი ხვითო,  
კვასკვასა და ლამაზუკა,  
გაჭივრებამ არ დამინდო,  
გამცარცვა და გამამუქა.  
თავს ვინ მანაცვალეხ აწი,  
შეფერთხილს და განაწვალეხ...  
ამ დროს ვხედავ ვინცხა კაცი  
დასახატად მითვალთვალეხ.  
ხოდა, გევიფხორე, მარა  
რო არ დავრჩი საკმარისი,  
ცოტას ლადო წამეხმარა,  
ცოტას - კობა, ძმაი მისი.



*„ღსე აშხაზი გავლოქსე  
მე მათაჲს სხუემარებოჲსა“*

წარმავალია ყოველი  
და როცა კაცი რწმუნდება,  
რომ ქალის ჟინი, ცხოველი,  
არასდროს დაუბრუნდება,  
შეფუცხუნდება საბრალო,  
პაწახან აწუწუნდება,  
მერე კი გაბუსუნდება  
და იქით გადაბრუნდება.  
ქალს კი ტირილი უნდება,  
რამეთუ ყოფა ხუნდება,  
მათ შორის რაცხა იმფერი  
თუ აღარ გაჩუჩუნდება.  
კურცხალმაც გაიკიაფა,  
დარმა დაისის ნამისა,  
„გასრულდა მათი ამბავი,  
ვითა სიზმარი ღამისა.“





ნატურმორტი / ტილო, ზეთი / 80 x 200 სმ



## სიზმარი

იმერული შემოდგომა,  
 ნისლიანი დღეები,  
 თელი უზოს გაყოლება  
 ბრანოულის სტეები.  
 საკიდარზე გვადრაკი და  
 მაგიდაზე ჭადრაკი.  
 ჭურითავზე ორშიმოდან  
 დოქში ღვინის რაკრაკი.  
 ნამზით სუფრას შერჩენილი  
 საფერავის ლაქები,  
 ნიგვზისფოთოლშეტყეპილი  
 იულიას ჭადები.  
 მოჩურჩულე გოგონები,  
 ძნელად მისაყურები,  
 შებრანული კუპატები,  
 ცუცას ხაჭაპურები.  
 თლილი ჭიქა რო შეიმსო,  
 სულმაც გამოიიდარა,  
 ახლა ერთი რიმ-დარირა,  
 მეტი ან რა გინდა რა...  
 რა და  
 ამირინდოს კრახუნა და  
 მინადორას გიტარა.  
 აბა ერთიც!  
 ამირინდოს კრახუნა დააა  
 მინა-ლო-რას  
 გიიიტაარააა...



## მაცა შინე

წამიყვანე, ბესარიონ, გელოდები რახანია.  
შენ გარეშე ეს ცხოვრება უსიამო ყაყანია.  
სული ტკპილი ყოფილაო - ტყულა მონაჩმახარია,  
ბელლის თაგვათ არსებობა განა რა გასახარია,  
დაგიზარდე ბოშიები, ყველა კაი ნასტავლია,  
ყველას მისი ოჯახი აქ, აღარავის არ ცალია.  
რას მიყრუებ?  
მად შენ ანკესს ვინცხა ხო არ წამეეგო?  
დევიდალე ბესარიონ, წამიყვანე შე მუდრეგო,  
თუ არა და ალიოსთან გადავალ და დავლევ პინოს,  
ისიც კენტად დაგვირჩა და იქნება ქეც შემაცთინოს.





შობა / ტილო, ზეთი / 80 x 75 სმ

## სუცობუსი იგვიანებს

ბებო-ბაბუს ქალიშვილთან  
საშობაო მიაქვთ ძღვენი:  
ინდოური, ჩიჩილაკი,  
ბაჩონკაში პინოს წვენი.  
ტკპილიკვერი ცხრანაირი,  
შინდის კერკი, თხილი, ნუში,  
გოზინაყი, ლუღვის ჩირი  
და კრახუნას ფელამუში.  
კუმელი და ბრაწოული,  
მურაბები ბლის და მაყვლის,  
წაბლი, ხუმლა ცუანა და  
ჩურჩხელები კვასის კაკლის.  
- ყოჩაღია ჩვენი გოგო.  
- სიძეც კაი კვიდომია.  
- დაგვასიეს ბაჭაჭყები,  
ქე რო ხშირათ გვინდომია.  
- აწი ყველას რას გასტობი,  
მოსაკითხი იმდონია,  
- რა შილიფათ ჩაგიცვია,  
არ გაცივდე სიდონია...



## თავდაყირვ სონიცი ზრახოყროს


შენს ტოტებზე მოწეული  
ჯადოსნური ძოწეული  
ვის არი რო არ ეამოს,

ვარლობისთვის აფეთქდები,  
და ეგ შენი გაცეცხლება  
დაშვენდება კარმიდამოს.

მე კი, თმაშენავერცხლები,  
სულ ვიქნები თანამდები,  
რომ შეგიმყო ნაკვერცხლები,  
ლალ-ბადახშებს ქე რო გვანა,

ჩემი სიყმაწვილის წლები  
ხელთავიდან რო შევიგრძნო  
და რამეფრად ამევიცნო  
სიყვარულის გამოცანა...





ბორია ბალაეა / ტილო, ზეთი / 100 x 50 სმ



## სიღმი ქმარი

ვალერია იანიშვილა (რუსულ-ბოშური დიალექტი)  
თარგმანი კობა ჭუმბურიძის

ვიცი, ქმარი დაწაწალებს ქალებში,  
ერთმანეთზე წუნკალ ბოზანკალებში!  
მე შვილები არ უნდა მოვაშივნო.  
და ნიადაგ ვფიქრობ - სად რა ვიშოვნო.  
სადამოთი, სახლში რომ მოვმსერდები,  
დადლილობით ფეხზე ვეღარ ვჩერდები.  
ვნატრობ - ნეტა არ შემომიჩინდებოდეს,  
სადმე რუსის ქალთან დაიცლებოდეს!  
ის კი ამბობს - „ვიცი რომ მიმიხვდები,  
კარტოფილის ჭამით ხომ გავგიჟდები,  
კაცს სჭირდება თევზი, ხაჭო და სუპი.  
სულ ეს არის შენი დარდის პასუხი...“  
კარგი, რუსთან, ამას კიდევ გავიგებ,  
მაგრამ ბოძას უმაღ ფეხქვეშ გავიგებ!  
ის ქმარია, მისგანა მყავს შვილები!  
გამოვფატრავ, ვინც კი შემეცილება!  
მე იმ ძუკნას დალალებში წავწვდები  
და გავხოტრავ, თუ სადმე წავაწყდები!



## შეხვედრის ნახევრებში

- დედა, რამდონი ვიარე, გადამერევა ვახტანგი,  
უიმე! დიდი ბოდინი, რაღა აქ შემოვტანტალდი...  
ჯემალი მასტავლებელი, აქ რო ხართ, კი არ ვიცოდი,  
არ მოგელოდით ნამდვილად, თვარა არ შემევიდოდით,  
- შენ ნატალია ხო არ ხარ? კაპუტივადის, საშასი?  
ბეზიას დამგვანებინარ, თვარეს წუნობდა ვასასი.  
შემოდი, ნუ გერიდება, ნუ ლაპარიკობ კარიდან,  
ბეჩა! ფეხბიმედ ყოფილხარ! ცივი წვენი ხო არ გინდა?  
ამფერ სიცხეში ამდონი რამ გარონია ნეტეი?  
- მერვე თვეში ვარ უკვე და ვეღარაფერში ვეტევი,  
კაბა მჭირდება კლიოში, ყოველდღე სარონიები,  
ლამაზი უნდა იყოს და თან უნდა იყოს იეფი,  
ხელცარიელს თუ გამიშვებთ, ისევე გაგებუტებით...  
- აქ ყოლიფერი ქე არი, ჩემ ცოლს ჩამოაქ ფუთებით,  
ხო გახსოვს, მათემატიკას რო გასტავლიდა, ციური,  
სკოლა იმანაც დატოვა, ნიჭი აქ კომერციული.  
ამ ყვითელ კაბას გირჩევდი, იქნები უფრო ხალვათათ,  
ფული თუ არ გაქ საყოფი, ნისიათაც ქე გაგატანთ.  
მე მიტო გსაყვედურობდი, გაკვეთილზე რო ციგნობდი,  
გონია მერვე კლასიდან გათხოვებაზე ფიქრობდი.  
ცოდნა არ ფასობს ამ დროში, მარა აღარც მე ვბრაზდები,  
მივიხედ-მევიხედე და ქე შემეცვალა აზრები.  
ვიცი რო მასტავლებლისგან ეს აზრი გაგიკვირდება,  
დიპლომზე უმფრო ქვეყანას ახლა ბოვშები ჭირდება.  
...  
თან გულში ასე ფიქრობდა - გადამრევ შენ, ჯემალაო,  
გამრავლება თუ გადარდება, ვინ გიშლის, შეჩემალაო...





ბატონების გაცნობა / ტილო, ზეთი / 100 x 80 სმ



## ზაცონების გაცნობა

შენმა კაი ბატონებმა მეილიეს საქმე, ღმერთო,  
 აწი კილო შენც უთხარი - ფეხს ნუ გააჩივინებთო.  
 ბატონებო, მწყალობლებო, ღვთის კარიდან გადმოსულნო,  
 ხო გიცეკვეთ ფეხშიშველმა, კეთილო და კარქო სულნო.  
 კვერები და ტკბილოული ხო დაგიდგით ხონჩებითო,  
 მოსართმევი ხეც გაგიწყვეთ წითელ-ყვითელ ფოჩებითო,  
 გეფერებით შვიდ და-ძმასა, ია და ვარდი გფენიათ,  
 ჩიტიც არ აგიფრენიათ, ბოვშიც არ დაგიწვენიათ,  
 ნანინანა ბატონეებს, მებოდიშის პირით ქებულს,  
 ტყისნაპირში დავდოფ ტაბლას, ავანტყოფზე შემოვლებულს,  
 წითელ მამალს გამოგატანთ, არ დევიდებთ თქვენსა ვალსა,  
 იის წყალით გიპურეთ და დაგილოცავთ გზასავალსა,  
 ხოდა აწი ქე მომყევით, გაგაცილეთ სოფლის გარეთ,  
 როგორც მოსვლით გაგვახარეთ, ისე წასვლით გაგვახარეთ!..



## ამისდენით ვინმემ წაყლო?...

- ამწინებზე მილანში რო გავაცილე ჩემი ნატო, დღეს დარეკა - კაი მოხუცს დოუდექი მომვლელათო, მე ჩურჩუტს რო მიხაროდა გამოვზარდე იჯინრათო, თელი მისი ჯამაგირი არ გვყოფნიდა ერთ ინჯრათო, ხოდა აწი არა გვიჭირს, დეისტუმრებს ალბათ ვალებს, უნა მიხაროდეს, მარა, მაინ ცრემლი მოღვარდვალეხს. შენ გაგიხმა ეგ კრასკები, რას მერჩოდი ჩემო ლადო, კობას რაღა დოუშავე, რო ამღერდა სატირლათო, ნახატში და ლექსში მაინც დაგესახეთ დედოფლათო. ან იმ წინომ სა შეგყარათ ერთმანეთის კუდებათო. ლეილამაც თითქოს ჩემთვინ მოანგროვა ეს სიტყვები, რომე თურმე ვიბლაზები, ვჟუჟუნობ და ვიქლურცები, ვითამ მე არ მომიხთება ღიმილი და სამკაული?.. ღვდელთან ქე რო დევიჩივლე, იმან მითხრა სასტაული - გაჩუ გოგო, ნუთუ უფლის საყვედური წამოქცთაო, ღმერთი რჩეულს გოუჭივრებს, ასთე იცის გამოცთაო. ქე გავჩუმდი, ენას კპილი დავაჭირე, რო არ მეტქვა, - ეს ამღონი სიყვარული რითი დევიმსახურე-თქვა?






ბაბო ზინბარიტ / ტილო, ზეთი / 40 x 35 სმ

## ჰელოსვის სვისშვილისა და ცრიფონის ზინგერის ყელსოცო მღვობრობის ამბავი

- დღეს რა მოყვებ, ჩემო კაცო, რო არ იცი იმფერი?  
ალბათ ასჯენ მოყოლილი მაქ უკვე ყოლიფერი.  
ზინგერისას მოგიყობი, ალბათ გული გიგძნობდა,  
ომი რო დეიწყებოდა, სტალინმაც არ იცოდა.  
ხოდა ამან დამარჩინა, ქვრიობა რო მერგუნა,  
შენ კი არ გგავს, აქობამდე უმტყუნოთ მიერთგულა.  
მე დავბერდი, ამას კილო არ ეტყობა აფერი.  
მაინც რაფერ მეიფიქრე ასე ჩემშესაფერი.  
ჩვენი მოშეც დეილოცოს, ძაფი არ მომკლებია,  
მარა, აჭკი არ მყოფნის და ძნელი ასაგებია.  
შვილიშვილებს თუ იკითხავ, დიდი გოგოებია,  
ერთი სკოლას წელს ამთავრებს, ენაცვალოს ბებია.  
აჩიხჩიხდი „ტრიფონია“, თვარა არი გვიანი,  
ბანკეტისთვის უნდა თავოს კაბა კოპლებიანი.  
ხო, ქერო შენ მონატრებას თავი ვედარ გავართვი,  
ამ მაშინას შენ სახელზე ტრიფონია დავარქვი.  
რო დამტიე, ერთი-ვორი კიდეც მერიგებოდა,  
მარა მეტქვი ობლებს კვერი არ გამოუცხვებოდა.  
სხვისკენ ვედარ გევიხედე, ჩვენს სიყვარულს ვიცავდი,  
მთელ სიცოცხლეს მირჩევნია ის ხუთი წელიწადი.  
არევიან არ გევიკარე, მარტვა ვზარდე ბოვშები.  
აწი ამ ჩემ წუთისოფელს სხვას რადას გამოვრჩები.  
ხოდა, მალე მოგაკითხავ, ისეც დიდხანს გადავდე,  
ახლა მაინ არ მიმტყუნო, მანაც კვტარი არ დამხვთე.  
ეს ამბავი შვილთაშვილებს მოსაყოლად დარჩება...  
კაი, თვარა საცა არი გული ამომაგჯება...  
იმდენი ქე შევძელი რო თავი არ შემერცხვინა...  
რასაც ვყობი, ნეტაი თუ გეყურება, შე ცხვირა...

## ლოქსის

ხშირად დავობენ - რა არის ლექსი...  
ვისთვის შაშვია, ვისთვის ხურტკმელი,  
ვისთვის სტაგია და ვისთვის ხემსი,  
ვისთვის - სათქმელი, ვისთვის - უთქმელი,  
ვისთვის თეთრია, ვისთვის ფერადი,  
ვისთვის მერანი, ვისთვის გავაზი,  
ვისთვის შურშული, ვისთვის ჟღერადი  
ხმა, პიაფის თუ ტეკანავასი.  
ღუ ფუ დარდებით გულს დაგიმძიმებს,  
მაიაკოვსკი ყიჟინით გიკლებს,  
ვაჟა დილის ნამს აგიციმციმებს,  
სამყაროს კილა უპყრია რილკეს,  
მოსხეპით თქმული უყვარს ხაიამს,  
ხოლო მალარმე შეაბამს ნიდაბს,  
ტერენტი მეცხრე ცაზე გაიარს,  
გალაკტიონი გახედნის გრიგალს.  
შენ? შენ რა გინდა ამ ტიტანებში,  
რად ეხლები და სად ეკვებები,  
ან რას გიშველის რობაიები,  
სონეტები და ტრიოლეტები...  
რა და, როდესაც ასცქერი ზეცას,  
უხვად მოჭედელს დიდი მნათებით,  
თუკი დალანდავ ვარსკვლავს, ნამცეცას,  
დაჩრდილულს მათი ათინათებით,  
ეგ არის შენი ლექსი, ციატა,  
და თუმცა მისი სხივი მკრთალია,  
მაინც სინათლის მხედარია და  
მაინც უკუნთან მეომარია.





ლადო თევდორაძე და კობა ჭუმბურიძე

მხატვრობა:  
ლადო თევდორაძე

ლექსები:  
კობა ჭუმბურიძე

წიგნის რედაქტორი:  
ნინო გუგუშაშვილი


დიზაინი:  
ბემა პაქსაშვილი

© ლადო თევდორაძე

თბილისი 2024



ISBN 978-9941-8-6203-8



ლადო კობას  
პორტრეტთან  
მხატვარი:  
კობა ჭუმბურიძე



პროექტის  
იდუის ავტორი  
ნინო გუგუშაშვილი  
მხატვარი:  
კობა ჭუმბურიძე



პროექტის  
კონსულტანტი  
ლელია უკლება  
მხატვარი:  
კობა ჭუმბურიძე

ISBN 978-9941-8-6203-8



9 789941 862038



5-10m  
opfermied  
2011